

讀史兵略續編

益陽胡林襄集

金匱宣稿

（仁宗天聖元年）自建隆以來吳蜀江南荆湖南粵皆號富彊相繼降附太祖太宗因其畜藏足以養兵方是時天下生齒尙寡而養兵未甚蕃任官未甚冗佛老之徒未甚熾百姓亦各安其生不爲百役所困下給足府庫羨溢承平既久戶口歲增兵籍益廣吏員亦衆佛老塞外耗蠹中國縣官之費費倍昔日百姓亦稍縱侈而上下始困於財矣樞三司使李昉嘗言天下賦調有常今西北戍兵二十年而邊餽如故他用浸廣戍兵雖未可減其未作浮費非本務者宜一切裁損以寬斂厚下墮鐵判官歛人俞獻卿亦言天下穀帛日益耗物價日益高人皆謂稻苗未立而和糴桑葉未吐而和買自荆湖江淮間民愁無聊轉運使務刻剝以增其數歲益一歲又非時調率營造一切費用皆出於民是以物價益高民力積困也自天禧以來日侈一日又甚於前扈不盈者漏在下木不茂者蠹在內陛下宜與公卿大臣朝夕圖議而救正之帝納其言癸未命御史中丞劉筠提舉諸司庫務詳貽廓與三司同議裁減冗費

（六年）先是南郊嘗賜軍士而汾州廣勇軍所得帛不逮他軍一軍大譟捧守佐堂下劫之約予營帛乃免城中戒備遣兵圍廣勇營轉運使孫冲適至命解圍弛備置酒張樂推首惡十六人斬之遂定初守佐以亂軍所約者上聞詔給營帛使者至潞冲促之遲曰以亂而得所欲是誘之亂也卒留不予

（七年）初渤海自神冊中附於遼無權酤鹽繻之稅寬弛關市之征渤海安之自馮延修韓紹勳以燕地平州之法繩之民不堪命會燕地荐饑戶部副使王嘉獻策造船使其民漕粟以賑之水路艱險多至覆沒輒扑撈掠民怨思亂東京舍利軍詳表舊作詳大延琳因之爲變遂囚留守駙馬都尉蕭孝先及南陽公主殺紹勳嘉以悅衆僭號興遼改元天慶時遼主駐黑嶺副留守王道平逾城走告變卽徵諸道兵以時進討時國舅詳表蕭實迪舊作匹敵今改先率本管兵據要害絕其西渡延琳以書結保州戍主夏行美使率渤海軍爲亂行美執其人送統軍耶律普古舊作蒲古今改遂殺渤海兵八百人入據保州斷其東路延琳分兵西取瀋州副使張傑聲言欲降延琳信之不急攻既知其詐攻之守禦已備不克而還南北女真皆從延琳高麗貢使亦不至冬十月丙戌朔遼以南京留守燕王蕭孝穆爲都統蕭實迪副之蕭普努舊作蒲奴今改爲都監討延琳過賊蒲水中軍少却普努將右翼實迪將左翼夾攻之先據高麗女真要害使不得求援賊潰追敗之於平山北普努不介馬而馳追殺餘賊已而大軍圍東京普努討諸叛邑平吼山賊延琳深溝自衛固守不敢出渤海舊境自奉天東北至營州也遼陽州遠曰東京保州在鴨綠江高麗得河間瀋州在奉天府界廣水在承德西北四十里平山在重平縣西北四十三里黑嶺吼山未詳

（八年）眞定府定州路都部署武節度使曹瑋卒贈侍中諡武穆瑋爲將不如其父寬然用士得死力平居意氣舒緩及行師多奇計出入神速一日張樂歛僉更中坐失瑋所在明日徐出視事賊首已擲庭下矣將兵幾四十年未嘗少失利眞宗遇遼奏必手詔詰難至十數反而瑋守初職卒無以事聞遼遂率令深廣丈五尺

山險不可盡者因其峭絕治之使足以限敵後皆以爲法臨淄人賈同書造瑋瑋欲案邊遼與俱同間從兵安在曰已具既出就騎見甲士三千環列初不聞人馬聲同歸語人曰眞名將也

遼都統蕭孝穆圍東京去城五里四面築城堡起樓櫓使內外不相通駙馬蕭孝先及南陽公主既爲大廷琳所囚聞遼師至孝先與其妹穴地逃出公主在後爲守陣者所覺遇害遼東京被圍既久城中撤屋以餵賊將楊祥世密送款夜開南門納遼軍禽大廷琳渤海平

〔明道元年〕定難節度使西平王趙德明凡娶三姓衛慕氏生元昊元昊小名鬼理性凶鷙猜忌圓面高準長五尺餘曉浮屠學通蕃漢文字案上置法律書常攜野戰歌太一金鑑訣忽引兵襲夜洛陽可汗王破之奪甘州數諫德明無臣中國德明輒戒之曰吾久用兵終無益徒自疲耳吾族三十年衣錦綺衣此宋天子恩不可負也元昊曰衣皮毛事畜牧蕃性所便英雄之生當王霸耳何錦綺爲既陷甘州復舉兵攻拔西涼府至是德明死元昊繼立元昊既襲封卽陰爲叛計時改元明道而元昊避父名輒稱顯道於國中雖貢奉然僭已萌矣〔二年〕先是右司諫范仲淹以江淮京東災傷請遣使循行甲申命仲淹安撫江淮所至開倉廩賑乏絕禁淫祀奏蠲應舒折役茶江東丁口鹽錢饑民有食烏啄草者擯草進御又上疏曰祖宗時江淮饋運至少而養六軍又取天下今東南漕米歲六百萬石至於府庫財帛皆出於民加之饑年艱食如此願下各有司取祖宗歲用之數校之則奢儉可見矣祖宗欲復幽薊故謹內藏務先豐財庶於行師之時不擾於下今橫爲墮費或有

急難將何以濟天之生物有時而國家用之無度天下安得不困江淮兩浙諸路歲有饋糧於租稅外復又入
糴計東南數路不下二三百萬石故雖豐年穀價亦高至於造船之費及饋運兵夫給受費與每歲又五七百
萬緡故郡國之民率不暇給國家以饋運數版謂之有備然冗兵冗吏游惰工作充塞京都臣至淮南道逢羸
兵自冒三十人自潭州挽新船至無爲軍在道逃死止存六人去湖南猶四千餘里六人者比還本州尙未知
全活乃知饋運之患其害人如此今宜銷冗兵削冗吏禁游惰減工作既省京師用度然後減江淮饋運和稅
上供之外可罷高價入糴國用不乏東南罷糴則米價不起真州建長蘆寺役兵之糧已四萬斛棟宇像塑金
碧之費又三十萬緡施之於民可以寬重斂施之於士可以增厚祿施之於兵可以拓舊疆自今願常以土木
之勞爲戒上嘉納之

（景祐元年）以樞知開封府程琳爲三司使琳又上疏言兵在精不在衆河北陝西軍儲數匱而招募不已其
住營一兵之費可給屯駐三兵昔養萬兵者今三萬矣願罷河北陝西募住營兵勿復增置遇闕卽選和軍精
銳補之仍漸徙營內郡以便糧餉帝嘉納焉

先是慶州柔遠蕃部巡檢鬼通領兵入夏州界攻破後橋新修諸堡是月趙元昊率萬餘衆來寇都巡檢楊遵
柔遠監押盧嗣以騎七百戰於龍馬嶺敗績都監齊宗矩援之次節義峰通事蕃官蕃部多伏兵不可過
寧宗矩不聽伏兵發宗矩被執八月庚申徙四廂都指揮使劉平爲環慶路副都都署帝初擢平主四廂謂左

右曰平所謂時毒之將也平在定州嘗建昌臣前在陝西見元昊車服僭竊勢且叛矣宜嚴備之不聽及是戒

平曰知卿有將略故委以邊寄卿其勉之

柔遠塞在慶陽府西其西則後橋川路新修諸堡當在其西北使馬賊又當在其北彭義舉在後橋川北

趙元昊遣蘇奴兒將兵二萬五千攻嘉勒斯賚敗死略盡蘇奴兒被執元昊自率眾攻靈牛城一月不下既而

詐約和城開乃大縱殺戮又攻青唐安二宗哥帶是嶺諸城嘉勒斯賚部將安子羅以兵十萬絕歸路元昊避

夜戰二百餘日子羅敗然兵溺宗哥河及饑死過半元昊又嘗使嘉勒斯賚並臨河湟嘉勒斯賚知眾寡不敵

壁鄯州不出陰間元昊頗得其虛實元昊已渡河插旗識其淺嘉勒斯賚潛使人移植深處及大戰元昊憤而

歸士視旗渡溺死者十八九所據獲甚眾嘉勒斯賚來獻捷

靈牛城疑即靈牛峽在西南府西青唐即西甯安二當作安川字之誤也在西南大河北岸宗哥在

西甯東五十二里番屬嶺即星嶺在西南南拔延山南宗哥河宗哥城邊之大河也鄯州張伯縣也

遼蕭罕嘉努

舊作韓家奴今改

遼天成軍節度使徙彰愍宮使遼主與語才之嘗從容問曰卿居外有異聞乎罕嘉努

對曰臣惟知炒栗小者熟則大者必生大者熟則小者必焦使小大均熟始為盡美不知其他罕嘉努嘗舉

國故託栗以諷諫遼主大笑詔問治道之要罕嘉努對曰臣伏見比年以來高麗未賓準布

舊作阻今改綸強戰守

之備誠不容已乃者選富民防邊自備糧糗道路修阻動淹歲月比至屯所費已過半雙斗鐘穀鮮有遺者其

無丁之家借其傭儼人借其勞半途亡竄故戍卒之食多不能給求假於人則十倍其慮至有鬻子割田不能

償者或逋役不歸在軍物故則更補以少壯其鴨綠江之東戍役大率如此况渤海女直高麗合從連橫不時

征討富者從軍貧者偵候加之水旱菽粟不登民以日困蓋勢使之然也方今最重之役無過西戍若能徙西戍稍近則往來不勞民無深患議者皆謂徙之非便臣謂不然準布諸部自來有之曩時北至驢胸河南至邊境人多散居無所統一惟往來鈔掠及太祖西征至於流沙準布望風悉降西域諸國皆願入貢因遷種落內置三部以益其國不營城邑不置戍兵準布累世不敢為寇統和間皇太妃出師西域拓土既遠降附亦衆自後一部或叛鄰部討之使同力相制正得取遠人之道及城哈屯開境數千里西北之民徭役日增生業日殫弊急既不能救叛服亦復不恆空有廣地之名而無得地之實若食土不已漸至虛耗其患有不可勝言者國家大敵惟在南方今雖連和難保他日若南方有變屯戍遼邈猝難赴援我進則敵退我退則敵來不可不慮也方今太平已久正可恩結諸部釋罪而歸地內徙戍兵以增保障外明約束以正疆界每部各立酋長歲修職貢叛則討之服則撫之諸部既安必不生釁如是則臣雖不能保其久而無變知其必不深入侵掠也比年以來羣黎凋敝利於剽竊良民往往化為凶暴甚者殺人無忌亡命山澤願陛下輕徭省役使民務農衣食既足自安教化而重犯法矣今宜徙哈屯城於近地與西南副都部署烏庫德呼勒舊作烏古等聲援相接罷黑嶺二軍並開保州皆隸東京益東北戍軍及南京總管兵增修壁壘候尉相望繕樓櫓浚城隍以為邊防此方今之急務也願陛下裁之擢翰林都林牙

準布疑即今科布多驢胸河今曰克魯倫河哈屯未詳黑嶺在吉林南遼寧保州在哈爾江東境

三年范仲淹言臣近親察德音以孔道輔曾遷都西洛臣謂未可也國家太平豈可有遷都之議但西洛

帝王之宅項關河之固邊方不甯則可退守宜漸營廩食陝西有餘可運而下東路有餘可運而上數年之間
庶幾有備太平則居東京通濟之地以便天下急難則居西洛險固之宅以守中原易曰王公設險以守其國
此之謂也先王修德以服遠人然安不忘危故不敢去兵陛下內惟修德使天下不聞其過外惟設險使四夷
不敢生心此長世之道也

趙元昊既悉有夏銀綏靜宥鹽會勝甘涼瓜沙肅而洪安威懷龍背卽舊堡鎮僞號州仍居興州阻河依賀
蘭山爲固是歲始大備備官十八監軍司委爲兼分統其衆自河北至臥囉娘山七萬人以備遼人河南洪
州白豹安鹽州羅落天都華精山五萬人以備環慶鎮戎原州左順宥州路五萬人以備鄜延麟府右順甘州
路三萬人以備西蕃回紇賀蘭駐兵五萬靈州五萬人興州興慶府七萬人爲鎮守總五十餘萬而苦戰倚山
訛山訛者橫山羌夏兵柔脆不及也選豪族善弓馬五千人迭直僞號大班直月給米二石鐵騎三千分十部
發兵以銀牌召酋長面受約束東擲十大司於興州以總政務元昊請遣人供佛五臺山乞令使臣引護并給館
券實欲窺河東道故也此夏國輿地志也西州今榆林府靈州在米脂北綏德州靜在米脂西北宥在鄂爾多斯左翼後旗甘涼肅皆今州府名瓜今安西州沙今敦煌縣洪在鎮番西南古浪東北卽洪地嶺也安當
作定遠州在故新渠縣北今南夏東北也威今中衛之東懷遠曰懷遠縣今南夏府後改曰興
州龍在榆林西二百五十里賀蘭山環宥夏府境皆見屬河如半月形臥囉娘山當在貴
山山北白豹在慶陽府北橫山在懷遠縣南興慶府卽南夏也五臺山在五臺縣餘未詳

（寶元元年）鄜延路鈐轄司言趙元昊從父山遇遣人來約降詔勿受初元昊悉會諸族刺臂血和酒置醺醺

中共飲之約先攻鄜延自靖德塞門赤城路三道並入會聚有諫者輒殺之山遇數止元昊不聽畏誅遂娶
子來降時已被詔知延州郭勸與鈐轄河陽李渭遣山遇還山遇不可即令監押韓周執山遇等送元昊集騎
射而殺之時元昊自稱烏珠一作兀卒今改已數年矣元昊既殺山遇遂謀僭號靖德當作德靖在保安縣西八十里塞門在安塞縣北百五十里赤城在

崇信縣西南五十里

詔廣西路鈐轄司趙宜融州進兵討安化蠻初官軍與蠻戰為蠻所敗鈐轄張懷志等六人皆死帝命洛苑使
馮伸己知桂州兼廣西鈐轄伸己道江陵未至於是遣中使諭伸己速行伸己日夜疾馳至宜州繕器甲訓隊
伍募民發丁壯轉糧餉由三路以進伸己臨軍單騎出陳語蠻曰朝廷撫汝甚厚何乃自取滅亡汝聽我
言則生不然無噍類矣衆蠻仰泣羅拜曰不圖今日復見馮公也先是大中祥符末及天聖間伸己嘗再知宜
州蠻頗服其威信故云明日蠻渠頂投兵械萬計率衆降軍門廣西遂安宜今慶遠府融今融縣

趙元昊反詔陝西河東沿邊諸與元昊界互市處皆禁絕之有能捕元昊所遣刺探事者賞錢十萬加嘉勒斯
寶保順軍節度使邈川大首領自西涼為李繼遷所陷巴勒結韓部往往歸嘉勒斯寶回紇降者復數萬嘉勒
斯寶居青海西有臨谷城通青海高昌諸國商人皆趨之以貿易由是富強朝廷欲使背擊元昊以披其勢因
授節鉞為邈川今張伯青唐今西開城高昌今吐魯番

二年元昊為書及錦袍銀帶投鄜延境上以遺金明李士彬且約以叛候人得之諸將皆疑士彬副都部署

夏元亨獨曰此間耳士彬與羌世仇若有私約通贈遺豈使衆知邪乃召士彬與飲厚撫之士彬感泣不數日

果擊賊取首級羊馬自效

金明在廣施
縣西北百里

以左侍禁曾經爲閩門祇候經使嘉勒斯賚特擢之先是遣經持詔諭嘉勒斯賚使擊元吳以披其勢賜帛二萬匹嘉勒斯賚奉詔出兵四萬五千徇西涼西涼有儲嘉勒斯賚知不可攻捕殺游邏數十而還聲言圖再舉然卒不能也初議重賄嘉勒斯賚使擊元吳因以地與之參知政事程琳曰使彼得地是生一元吳不若用間使二虜勢不合卽中國之利也

詔陝西安撫使龍緒諭旨知永興軍夏諫議西歸事丙子諫言繼遷一族本党項遺種然自靈武陷沒銀綬割棄以來假朝廷威靈聚中原祿賜略有河外服屬小蕃德明元吳久相繼襲拓地千餘里積貨數十年較之繼遷勢已相萬獨繼過飽猖獗連影顧者莫不欲大行誅討然自昔兵家皆謀先勝而後戰卽舉無遺策以繼遷窮感比元吳富貴事勢可知也以先朝累勝之軍較當今關東之兵勇怯可知也以興國習戰之帥方沿邊未試之將工拙可知也繼遷逃伏平夏元吳窟穴河外地勢可知也若分兵深入則自齧糧糗不能久須載芻粟難於援送師行賊境利於速戰進則賊避其鋒退則賊躡其後晝設奇伏夜燒營柵師老糧匱深可虞也若窮其巢穴須涉大河既無長舟巨艦則須浮囊挽纜賊列寨河上以逸待勞我師半渡左右夾擊未知何謀可以擇禦臣以爲不較主客之利不計攻守之便嚴追討者是爲無策事不先定必有後憂計上十策一教習強弩

以爲奇兵二驍騎以爲濟師三詔嘉勒斯賚父子并力破賊四度地形險易遠近寨柵多少準士勇怯而增減屯兵五詔諸路互相應援六募土人爲兵號神虎保捷州各一二千人以代東兵七增弓手壯丁臘戶以備城守八並邊小寨毋積芻糧賊攻急則棄小寨入保大寨以全兵力九關中民坐罪若過誤者許入粟贖罪銅一斤爲粟五斗以贖邊計十損並邊冗兵冗官及減騎軍以紓饋運當時頗采用之

太子中允直集賢院官弼上疏曰即去年十二月元昊反變起倉卒衆皆謂之忽然臣則知其有素昔元昊常勸德明勿事中朝杜絕朝貢德明以力未盛不用其謀豈有身自繼立而不行其說邪此反狀有素者一也自與通好略無猜情門市不譏商販如織山川之險夷國用之虛實莫不周知又比來放出宮女任其所如元昊重幣納之左右朝廷之事宮禁之私皆所窺測癘以凶狡之性豈顧宗盟此反狀有素者二也西鄙地多帶山馬能走險淪海瀾連水泉不生王旅欲征軍須不給窮計則遁匿退保則襲追元昊恃此艱險得以猖狂此反狀有素者三也朝廷累次遣使元昊多不致恭雖相見之初暫御臣下之服而退出之後便具帝者之儀此反狀有素者四也頃年靈州屯戍軍校鄒美奔戎德明用之持兵朝廷終失靈武元昊早蓄險務收秦儼故不第舉子數人自投於彼元昊或授以將帥或任之公卿倚爲謀主此反狀有素者五也元昊援契丹爲親援則指爲聲勢急則假其師徒至有犄角爲奇首尾相應彼若多作牽制我則困於分張此反狀有素者六也是大者歲月已久中外共聞而天子不得知朝廷不爲備此兩府大臣之罪也聞元昊遣使多擇勇悍難制劉辯自

高者謂必不敢加誅我若察其叛謀於始至之日盡斬都市即時削奪或命將致討或發兵備邊戰士必爲之
增氣而反召之都下恣其貸易重幣還還豈非其回心易慮復轍向化乎夫朝廷結以恩信幾四十載尙無
懷感之意豈茲姑恩遂可悛移雖執事者遇懷自辱殺之恐其急繫囚之恐其有辭遂至放還假示寬貸向
若未能加戮只宜境上卻回使其不測深猶可謂之下策召而復遣成其不辱君命之賢大國之謀悉爲小
戎所料謀國若此取侮之道也鄺延路善與蕃兵接戰有一寨主爲蕃兵所得及擒去軍民甚衆西頭供奉官
馬遵引兵追戰即時奪回延帥范雍及副都部署劉平奏乞酬獎朝命只還東頭供奉官而已夫馬遵者出死
力突堅圍引既衄之兵入不存之地奪已禽之將士拔已陷之師徒雖非大功亦可謂之奇節主帥保奏理合
超遷只進一官殊乖輿論樞密使夏守實早緣華附漸致顯榮一旦擢居衆賢之上人心不允況復元昊作梗
西陲用兵所宜遴選才能而遽用斯人不問賢愚皆所輕笑而宜罷免以重觀瞻西鄙用兵以來數差移武臣
往彼每有過關求見者必於邊事有所聞陛下聰明之餘何惜一見待以從容加之善誘使盡意敷陳然後觀
其姦對之是非察其趣向之邪正可者則獎激而遣之不可亦優容而罷之如此則各盡所懷無不感悅勇銳
立功何憂乎叛寇何恤乎用兵哉

鄺延環慶副都部署劉平上言元昊侵逆恣行殺害衆叛親離復與嘉勒斯賚舊作曉斯相持已久結謀方深

此乃天亡之時臣聞寇不可玩敵不可縱若以鄺延環慶涇原秦隴四路軍馬分爲兩道益以蕃漢弓箭手步

騎得精兵二十萬比元昊之衆三倍居多衆人心離散嘉勒斯賚立敵之時緣邊州軍轉徙糧草二百餘里不出一月可坐致山界洪宥等州招集土豪授以職名給衣祿金帛自防禦使以下刺史以上第封之以土人補將校勇者食於祿富者安於家不期月而人自定或授嘉勒斯賚以靈武軍節度使西平王使逼元昊河外族帳復出鄜延石州蕃漢步騎收河西蕃族以厚賞招其酋帥其衆離貳則以大軍進討以所得城邑封之元昊不過以身河外窮寇耳或朝廷貸元昊之罪更示含容宿兵轉多經費尤甚恐契丹謂朝廷養兵百萬不能制一小戎有輕中國之心然亦須議守禦之長計或元昊潛與契丹結爲聲援以張其勢則安能滅西兵以應河北譬如一身二疾不可並治必輕者爲先重者爲後也請召夏竦范雍與兩府大臣議定攻守之策令邊臣遵守

石州卽永甯州

鄜州判官种世衡言延安東北二百里有故寬州請因其廢壘而興之以當寇衝右可固延安之勢左可致河東之粟北可圖銀夏之舊朝廷從之命世衡董其役夏人屢來爭世衡且戰且城然處險無泉疑不可守鑿地百五十尺始至石石工辭不可穿世衡命斛石一番酬百錢卒得泉以濟城成賜名青澗

青澗縣今屬陝德州

（康定元年）初夏人自承平退聲言將攻延州范雍聞之懼甚請濟師元昊詐遣其衙校賀真來言願改過歸命雍遽聞於朝厚禮真而遣之遂不設備元昊乃盛兵攻保安自土門路入正月癸酉攻金明寨都監李士彬父子俱被禽遂乘勝抵延州城下雍先以檄召鄜延環慶副都部署劉平於慶州使至保安與鄜延副都部署

石元孫合軍趣土門及是雍復召平元孫還軍救延州平得雍初檄帥驍士三千發慶州行四日至保安與元孫合軍趣土門而雍後檄尋到平元孫遂引還乙亥復至保安平素輕賊謂其下曰驍士赴人之急臨渴火澗平地況國事乎因晝夜倍道兼行丁丑夜至三川口四十里止營令驍兵先趣延州奪門時鄭延都監黃德和將二千餘人屯保安北碎金谷巡檢万俟政郭燧各將所部分屯雍皆召之爲外援平亦使人趣其行戊寅德和政遵所將兵悉至五將合步騎萬餘結陳東行五里平令諸軍齊進至三川口遇賊時平地雪數寸官軍爭奮殺賊騎五百人乃退賊復蔽盾爲陳官軍擊却之奪盾殺獲及溺水死者又八九百人平左耳右脰皆中流矢日暮戰士上首級及所獲馬論功平曰戰方急且自記之悉當賞汝語未已賊以輕兵薄戰官軍却引二十餘步黃德和居陳後見軍卻率麾下軍走保西南山衆軍隨皆潰平遣其子宜孫驅追德和執其轡拜之曰當勸兵還并力拒賊奈何先引去德和不從遂策馬還與宜孫皆赴甘泉平遣軍校以劍遮留士卒得千餘人力戰拒賊賊退還水東平率餘衆保西南山下立七寨自固距賊一里所賊夜使人至寨問主將所在平戒軍士勿應夜四鼓賊環寨大呼曰幾許殘卒不降何待平使人應之曰狗賊汝不降我何降也明日救兵大至汝衆庸足破乎己卯黎明賊復招降不從賊麾騎自山西出合擊官軍平與元孫巡陳東偏賊衝陳分爲二遂與元孫皆被執賊圍延州凡七日及矢乏二將城中憂沮不知所爲會是夕大雪賊解去士彬世守金明有兵近十萬人控扼中路衆號鐵壁相公元昊叛遣使誘士彬士彬殺之元昊乃使其民詐降士彬士彬白范雍請徙

置南方雍曰討而禽之孰若招而致之乃賞以金帛使隸士彬降者日至分隸諸寨甚眾元昊使其將每與士彬遇輒不戰而走曰吾士卒聞鐵壁相公膽墜於地士彬益驕又以嚴酷御下多怨憤者元昊陰以金幣誘其所部渠帥往往受之而士彬不知也及賊騎大入諸降者爲內應士彬時在黃堆寨聞賊至索馬左右以弱馬進遂輕以詣元昊與其子懷寶俱陷沒雍初聞賊大舉令士彬分守三十六寨勿令賊得入懷寶諫曰今當聚兵禦寇分則勢弱不能支也士彬不從懷寶力戰死黃德和醢奏劉平石元孫降賊知樞密院事夏守贊辨其枉自請將兵擊賊

承平當在永平北今延川縣西北地保安縣在延安府西北土門路卽蘆子關在延安西北其南十五里爲寨門又南爲金明在安塞門東南又東南卽延安矣三川口延川宜川洛川口也在安塞東甘泉在延

安南黃堆疑在金明南

元昊既陷金明寨遂攻安遠塞門永平等寨永平等寨主監押初欲斂兵匿梁山避賊指揮使史吉帥所部數百人遽城門立於馬前曰兵則完矣如城中百姓獨糧何異日爲有司所劾吉爲指揮使不免於斬願先斬吉于馬前不然不敢以此兵從行也寨主監押慚懼而返敵至圍城吉率衆拒守卒完城寨主監押以功各遷一官吉曰幸不喪城寨吾豈論功乎

以宮苑使高志甯爲河北諸州軍安撫使兼兩路營田使元昊初反志甯時知鳳州亟上言請乘賊未發選騎將銳兵分道急趨覆其巢穴重數十上不報徙知貝州至是思其言卽召至闕問今宜爲何策志甯曰今將不遠權而兵不識法制故敗乃請募兵五百以古陳法教之既成帝臨試之復下禁衛諸帥議諸帥出行伍不墮

古法乃曰與今所習異不肯用志甯又言元昊北與遼通官爲備故有此命倖經略之

延州之役郭遵以西路都巡檢使劉平麾下既與賊遇賊馬入陳殺傷數十人賊出曉將揚言當遵還據鐵杵破其驢兩軍皆大呼復持鐵槍挺進所向披靡會黃德和引兵先潰去賊戰益急遵辭期必死軍稍却卽覆馬以殿又持大稍橫突之賊知不可敵使人持弩索立高處迎遵馬輒爲避所斷因縱使深入擯兵注射之中馬踣仆地被殺於是特贈遵果州團練使

黃德和之誣劉平以降賊也引敗卒之言爲證已而平親隨王信自延州來妄言平與賊約和德和患其異詞潛給以銀釵使亡去而鄜延已使人拘信信求情于平之子且曰太尉與賊約和今乃云降賊信當以死明之鄜延路走馬承受馳驛以聞德和追延州至城南范雍不納使人代領其衆還歸鄜州聽命乃命殿中侍御史文彥博入內供奉官梁致誠就河中府置獄復遣天章閣待制龐籍馳往訊之河東都轉運使王沿又言訪聞延州有金明敗卒二人自賊中逃還云平等皆爲賊縛去平在道不食數罵賊云狗賊我頸長三尺餘何不速斬我知諫院富弼力奏平引兵赴援行不淹日以姦臣不救故敗竟罵賊不食而死宜恤其家而延州吏民復詣闕訴平戰沒狀文彥博等劾河中府獄既得實龐籍言黃德和退怯當誅劉平等力戰而死子孫宜貸卹韓琦亦言平以疲兵數千敵賊十餘萬衆晝夜力戰爲德和所累既被執猶誓賊不已忠勇不愧於古人今坐誣冒所惑憫忠卹孤之典未下邊臣豈不解體乎詔賜卹德和於河中仍梟首延州城下王信坐誣告其主亦杖

殺劉平爲忠武軍節度使兼侍中石元孫爲忠正軍節度使兼太傅仍賜平信陵坊第錄其子弟

陝西都轉運使范仲淹言聞邊城多請五路入討臣恐未可輕舉太宗朝以宿將精兵北伐西討艱難歲月終未收復況今承平歲久中原無宿將精兵一旦興深入之謀係難制之寇臣以爲國之安危未可知也詔以韓琦爲樞密直學士陝西都轉運使范仲淹爲龍圖閣直學士並爲陝西經略安撫副使初仲淹與呂夷簡有隙及議加職夷簡請超遷之帝以夷簡爲長者旣而仲淹入朝帝諭仲淹使釋前憾仲淹頓首曰臣向所論蓋國事于夷簡何憾也仲淹爲陝西經略安撫招討辟修葺書詔修以親爲辭且曰今豪傑之士往往已蒙收擇尙虛山林草莽有挺特知義抗慨之士未得出門下也宜少思焉

鄭延鈐轄張亢上疏言舊制諸路部署鈐轄都監各不過三兩員今每路多至十四五員少亦不減十員權均勢敵不相統制凡有議論互執不同請約故事別別使名每路軍馬事止三兩員領之又曰昨延州之敗蓋由諸將自守不相爲援請令邊城預定其法凡賊入寇某處爲聲援某城寨相近出敢死士某處設都同巡檢則各扼其要害又令鄰路將取某救應仍須暗以旂幟爲號昨劉平救延州前鋒軍馬陷賊寨者四指揮平竟不知又趙瑜領軍馬開道先進而趙振興王遠等趨寨門至高頭平報賊張青蓋駐山東振磨兵掩襲乃其子瑜也臣在山外策應未嘗用本指揮旗號自以五行支干別爲引旂若甲子日本軍相遇則先者張青旂後者以旂旂應之此是干相生也其干相剋支相生支干相生相剋亦如之蓋兵馬出入則百步之外不能相認若不

預立號必誤軍期又曰兵官務要張皇邊事劉平之敗正由貪功輕進鎭戎軍最近賊境每探馬至不問賊之多少部營鈴轄知軍都監皆出至邊壕則賊已去矣蓋權均勢均不肯相下若其不出則恐得怯懦之罪又比來諸班諸軍有投諸司使副至待禁嚴直者亦有白身試武藝而得官者而諸路弓箭手生長邊陲父祖效命累世捍賊乃無進擢之路何以激勸邊民初亢請乘驛入對詔令手疏上之其後多施用者

原州鎮原軍今固原州

以范仲淹兼知延州先是詔分邊兵部署領萬人鈴轄領五千人都監三千人有寇則官卑者先出仲淹曰不量賊衆寡而出戰以官爲先後取敗之道也乃分州兵爲大將將三千人分部教之量賊衆寡使更出禦賊不敢犯既而諸路皆取法焉夏人相戒曰無以延州爲意今小范老子腹中自有數萬甲兵不比大范老子可欺也大范蓋指雍云延州都監靈武周美言于仲淹曰賊新得志其勢必復來金明當邊衝我之蔽也今不亟完將遂失之仲淹因屬美復城如故數日賊數萬薄金明陳于延州城北美領衆三千力戰會暮援兵不至乃徙軍山北多設疑兵賊望見以爲救至卽引去時諸將多不利美十餘戰平族帳二百焚其帳二十復故城堡甚衆

夏人寇三川寨鎭戎軍西路都巡檢楊保吉死之明日涇原路都監劉繼宗李緯王秉等分兵出戰皆失利涇州駐泊都監王珪將三千騎來援自瓦亭寨至師子堡賊圍之數重珪奮擊賊拔靡殺賊將二人獲首級甚多賊遂留軍縱掠凡三日官軍戰歿者五千餘人環慶副都部署任福等攻夏白豹城克之軍還賊遣百騎襲其

後守神林北路都巡檢范全設伏崖險賊半渡邀擊之斬首四百級生獲七十餘人三川在鎮原西北固原東南瓦亭在華亭西北師子堡未聞白豹在慶陽北神林在隆德西四十里

賜涇原駐泊都監王珪名馬二匹黃金三十兩襲創絹百匹復下詔暴其功以厲諸將勒金字處置牌賜之使
得專殺以環慶部署兼知慶州任福爲龍神衛四廂都指揮使賞白豹城之功也尋命兼鄜延路副都部署
以鄜延部署司指使狄青爲涇州都監青每臨敵被髮面銅具出入賊中皆披靡無敢當者尹洙爲經略判官
與青談兵嘗之薦于副使韓琦范仲淹曰此良將才也二人一見奇之待遇甚厚仲淹以左氏春秋授之曰將
不知古今匹夫勇耳青折節讀書悉通秦漢以來將帥兵術由是益知名

（慶曆元年）朝廷既用韓琦等所畫攻策先戒師期知延州范仲淹言正月內起兵軍馬糧草動踰萬計入險
阻之地塞外雨雪大寒暴露僵仆使賊乘之所傷必衆今鄜延路城壘兵甲糧草士馬攻守之計已有次第不
患賊之先至請俟春暖出師賊馬瘦人饑其勢易制又可擾其耕種縱無大獲亦不至有他虞先是朝廷欲發
涇原鄜延兩路兵討賊議未決詔環慶副部署任福乘驛詣涇原計事會韓琦行邊趨涇州而謀者言元昊謀
寇渭州己丑琦而趨鎮戎軍盡出其兵又募敢勇凡萬八千人使福將以擊賊涇原駐泊都監桑維翰爲先鋒鈐
轄朱觀涇原都監武英繼之行營都監王珪參軍事耿傳皆從琦而授福等方略以諸寨相距僅四十里道近
且易獨糧足供度勢未可戰則據險設伏待其歸然後邀擊之福等就道琦親至城外重戒之翼日福自新繁

外分輕騎數千趨懷遠城掠龍川遇鎮戎軍西路都巡檢常鼎同巡檢內侍劉肅與賊戰于張家堡南斬首數百賊棄馬羊羣馳伴北驅引騎趨之福亦分兵自將踵其後薄暮福懼合軍屯好水川朱觀武英爲一軍屯龍落川隔山相距五里約明日會兵不使賊得逸去邏者傳賊兵少故福等輕之路益遠芻糧不繼人馬已乏食三日福等不知賊之誘也悉力奔逐癸巳至龍竿城北遇賊大軍循川行出大盤山下距羊牧隆城五里結陳以抗官軍諸將乃知虜賊計勢不可留因前接戰懼馳犯其鋒福陳未成列賊縱鐵騎衝突自辰至午陳動衆傅山欲據勝地賊發伏自山背下擊士卒多墮崖壑相激厭懾戰死賊分兵數千斷官軍後福力戰身被十餘矢小校勸福自免福曰吾爲大將軍敗以死報國耳揮四刃鐵簡挺身決鬪槍中煩絕喉而死福子懷亮亦死之先是琦命渭州都監趙津將瓦亭騎兵二千二百爲軍斷後是日與觀英會兵于姚家川福既死賊并兵攻觀英等戰既合珪自羊牧隆城以屯兵四千五百來陳于觀軍西虜出略陳陳堅不可破英重傷不能視軍自午至申賊兵益至東偏步兵先潰衆遂大奔英津珪傳皆死之惟觀以餘衆千餘人保民垣四圍縱射會暮夜賊引去涇原部署王仲寶亦以兵來援與觀俱還民垣距福敗處才里許然不相聞也始珪進戰擊殺數百人鐵鞭至攔曲手掌破裂猶奮自若馬三中箭三易馬最後得其下馬左右馳擊又殺數十人飛矢中其目遂死英知必敗勸傳避去傳不答英歎曰君文吏無軍資奈何與英俱死觀亦戒傳少避賊鋒而傳愈前不顧身被數槍乃殞前一夕傳在觀營夜作書遺福以其日小勝前與賊大軍遇深以持重戒之自寫題觀名以致福

軍中傳死後或言福之敗由傳督戰太急福等既違節度雖死不足與旣而福隨軍孔目吏彭忠得傳戒福書具白琦琦卽奏之尹洙爲作憫忠辨誣二篇英太人傅河南人方元昊傾國入寇福所統士卒皆非素所撫循旣又分出趨利故至甚敗奏至帝深悼焉丁酉贈任福爲武勝軍節度使兼侍中王珪趙津武英桑維翰等並贈官各追封其母妻及甄錄子孫有差

懷遠在隆德縣東南四十里挾龍川在其南下流入莊浪之苦水張家堡未詳地必與之相近好水川在隆德東二里龍落川卽龍絡川去好

水五里龍竿城卽隴干城今靜寧州六盤山在固原山南隆德北大分水嶺也羊牧隆城卽隆德縣城姚家川疑六盤山水

任福等旣敗朝議因欲悉罷諸路行營之號明示招納使賊驕怠仍密收兵深入討擊詔范仲淹體量士氣勇怯如不至畏懦卽可驅策前去乘機立功仲淹言任福勇于戰鬪賊退便追不依韓琦指蹤因致陷敗此皆邊上有名之將尙不能料賊今之所選往往不及更令深入禍未可量以臣所見延州路乞依前奏且修南安等處三兩廢寨安存熟戶并弓箭手以固籬離俯彼巢穴他日賊大至則守小至則擊有閒則攻方可就近以擾之出奇以討之耳于是行營之號卒不罷兵亦不復出元昊始僭兵未動也朝廷卽欲討之著作佐郎張方平上言國家自景德以來將不知兵士不知戰驟用之必有喪師曠將之憂當含垢置瑕順適其意雖元昊終于必叛而兵出無名吏士不直其上難以決勝小國用兵三年不見勝負不折則破我以全力制其後必勝之道也方平所議蓋與吳育同而議者皆不謂然兵旣交天下騷動方平又獻平戎十策大略請及民力之完屯重兵河東示以形勢賊入寇必自延渭而興州巢穴之守虛我師自麟府渡河不十日可至此所謂攻其所必救

形格勢禁之道也宰相呂夷簡見之謂參知政事宋綬曰大科得人矣然不果用其策

南安疑在保安東疑德西南安定之北

以右班殿直趙珣爲陝西經略安撫招討都監珣初隨其父振在西邊訪得五路徼外山川邑居道里利害作聚米圖經五卷轉請旨于帝詔取其書并召珣至又上五陳圖兵事十餘篇卽擢任之珣自以年少新進未有功辭都監受兵萬人賜御鎧仗令自擇偏裨參佐居涇原兼治龍竿城麻斃党留百餘帳感近塞爲暴珣白府引兵三萬自靜邊歷擦吳抵木甯襲賊俘獲數千討靜邊將劉湏殿後爲賊所掩珣登阪望見縱騎數百復又拔湏之衆以出士皆歎服

舊作勝

賊今改居龍谷無所屬珣與書招之遣以繡錦鎗戰聽命

五路郡延環慶涇源秦鳳黑河也靜邊在

莊浪縣西木甯縣永甯之龍在固原西南縣吳未詳龍谷今金縣龍山之谷

麟州言元昊破甯遠勢特主待禁王世宣兵馬監押殿直王顯死之焚倉庫樓櫓皆盡復領兵攻府州州城險且堅東南各有水門崖壁峭絕下臨大河賊緣崖腹微徑魚貫而前城上矢石亂下賊死傷殆盡轉攻城北士卒復力戰傷者千餘人賊乃引退縱兵四掠又復圍豐州麟府二州皆在河外因山爲城最爲險固初河東轉運使文洎以麟州餉道回遠軍食不足欲案唐張說出兵故道復通河關未及就而卒及洎子彥博爲東河轉運副使遂通銀城而州有積粟可守城中素乏水國既久士卒渴乏或勸知州苗繼宣取污溝之泥以飾埤元昊仰視曰謀謂我無庸戰不三日漢人當渴死今尙有餘以污堞給我也斬之城下解圍去知諫院張方平言夏竦爲陝西招討等使四路軍政實節度之師惟不出出則喪敗寇惟不來來必得志坐翫寇敵威國損威

乞道疎舊官與之一郡遂其自全之計

府州今府谷縣南遠在其西南縣在神木之北

以鄜延都鈐轄張亢爲并代鈐轄管句麟府軍馬公事時元昊已破鹽州引兵屯琉璃堡縱騎鈐麟府開二州閉壁不出民乏水飲黃金一兩易水一杯亢單騎扣府州城門關不敢亢曰我新軍馬也出所受敕示城上既入卽開門縱民采薪汲澗谷然賊騎猶時出鈔掠漢田亢以州東焦山有石炭穴爲築東勝堡下城旁有疏畦爲築金城堡州北沙坑有水泉爲築安定堡置兵守之募人殺於外腰鑊與持兵衛送者均其得時禁兵敗北無圖志乃募役兵夜潛隘道邀擊賊遊騎比明或持首級來獻亢犒勞之衣以錦袍禁兵始慙舊曰我顧不若彼乎又縱使飲博士瘡乏幸利皆願一戰亢知可用始謀擊琉璃堡使諜伏賊寨旁草中見老羌方炙羊脾占吉凶驚曰明日當有急兵且趨避之皆笑曰漢兒方藏頭鄰間何敢至此亢知無備夜引兵襲擊大破之斬首二百餘級賊棄堡遁去乃築宣威寨於步駝溝捍寇路以鄜延都監王信爲本路鈐轄兼兩路都巡檢使信初爲鄜延都監始至之夕賊衆數萬傳城軍吏氣懾不知所爲信領勁兵二千夜出南門與賊戰不利失其前鋒因案軍不動遲明潛上東山整軍乘勢而下擊走之追襲大獲而還葛懷敏敗信又出兵拒賊俘斬甚衆琉璃堡在府谷西北步駝溝疑在神木縣駝駝峽東府谷之西也

知秦州韓琦復爲起居舍人知慶州范仲淹復爲戶部郎中仲淹上疏曰國家長久之策莫若於鄜慶涇三州各置益兵三萬人拔用有勇略將帥三員統領訓練預先分定部曲遠設斥候於春秋四賊舉動之時先據要

害賊來則會駐劄之兵親利整陳并力擊之又於西賊未經點集之際出三州已整之兵深入大掠或破其和市或招其種落或更築壘拓地廣招疆人別立經制以助正軍屬戶有助賊者卽會兵塞行破蕩諸族見此事勢自然無去就之議漸可驅使既不能爲亂則可以解脅鹽粟帛之禁勿使與賊交通朝廷節儉省費傾內帑三分之一分助邊用以金帛賜逐路帥臣使行間覘賊則動靜先知遇盛夏則那次邊就食糧草如此則三三年間賊力漸屈平定有期矣

先是屯田員外郎張育通判府州州依山無外城育將築之州將曰吾州據險敵必不來育不聽城垂就寇大至乃聯巨木補其罅守以疆羈州無井賊斷河飲路育夜開門擊賊少却以官軍壁兩旁使民出汲復以渠泥覆草積督居民乘城力戰賊死傷者衆遂解去遷育都官員外郎鄜州都監王凱全斌曾孫也數破賊有功賊大至與育相失乃分兵出其後夾擊之復與育合斬首六十五級又入兔毛川遇賊三萬凱以兵六千陷圍流矢中面鬬不解至暮賊潰又斬首百八十六級自蹂躪死者以數千遷育作坊副使

青眉山在延川西北與毛川在神木縣北下流

入屈野河

梁適使陝西還知慶州范仲淹附奏攻守二議其議攻曰臣竊見延安之西慶州之東有賊界百餘里侵入漢地中有金湯白豹後橋三寨爲延慶二州經過道路使兵勢不接策應迂遠自來雖曾攻取無招降之恩據守

之謀漢兵纔回邊患如舊臣謂西賊更有大舉朝廷必令牽制則可攻之地其在於此可用步兵三萬騎兵五千軍行入界先布信令大爲城寨以據其地城寨堅完當留土兵守之方諸舊寨必倍其數使巡檢范全趙明以安撫之嚴戒曰賊大至則明斥候召援兵堅壁清野以困之小至則扼險設伏以待之居常高估入中及置營田以助之如此則可分彼賊勢振此兵威通得延慶兩路軍馬易於應援又環州之西鎮戎之東復有葫蘆泉一帶蕃部與明珠滅藏相接阻環州鎮戎經過道路明珠滅藏之居北接賊疆多懷觀望又延州南安去故綏州四十里在銀夏川口今延州兵馬東渡黃河北入嵐石却西渡黃河倒來麟府策應蓋以故綏州一帶賊界阻斷經過道路如此取下一處城寨平定則更圖一處爲據守之策比之朝去暮還此稍爲便穩其守議曰臣昨在延州見知青澗城种世衡言欲於本處漸興田利今聞僅獲萬石臣觀今之邊寨皆可使弓手土兵以守之因置營田據畝定課兵獲羨餘中糶於官人樂其勸公收其利則轉輸之患久可思矣且使其兵徙家塞下重田利習地勢父母妻子共堅其守比之東兵不樂田利不習地勢復無懷戀者功相遠矣守愈久而備愈充雖賊時爲患不能困我此假土兵弓手之力以置屯田爲守之利也

金湯在保安白豹在慶陽北後橋在慶西前蘆泉縣即平涼府北蘆泉水邊也即鎮原西之靖安堡

二年）遣主謀親帥師南伐意未決乃幸舊相張儉第使尙食先往具饌儉御之進葵羹乾飯遣主食之而甘徐問以南伐之策儉極陳利害且曰第遣一使問之何必遽勞車駕遠主悅而止復卽其第賜宴器玩悉與之

是月遼遣南院宣徽使蕭特默

舊作特末今改

翰林學士劉六符來使取晉陽及瓦橋以南十縣地且問興師伐夏及

沿邊疏濬水澤增益兵戍之故三月己巳遼使蕭特默劉六符至京師致遼主書先是邊吏言遼使且至帝爲之盱食歷選可使遼者羣臣皆憚行宰相呂夷簡舉右正言富弼入對便殿叩頭曰主憂臣辱臣不愛其死帝爲動色壬申命弼爲接伴使弼以二月丙子發京師至雄州久之特默等始入境遣中使慰勞特默稱足疾不拜弼謂曰吾嘗使北病臥車中聞命輒拜今中使至而君不起此何禮也特默翌然起遂使人掖而拜及特默等至命御史中丞賈昌朝館伴廷議不許割地而許以信安傳簡王允當女與遼之皇子梁王洪基結昏或增歲賂獨弼以結昏爲不可辛未授弼禮部員外郎樞密直學士將使弼報聘故也弼曰國家有急惟命是從臣職也奈何逆以官爵賂之固辭不受

是春范仲淹巡邊至環州州屬羌陰連賊爲邊患仲淹謂種世衡素得羌心而青澗城已堅固乃奏徙世衡知

環州以鎮撫之有牛客族勢頗

舊作奴訛今改

者囑鹽未嘗出關世衡至遠郊迎世衡與約諸朝至其帳是夕大雪深

三尺左右曰地險不可往世衡曰吾方結諸羌以信不可失期遂緣險而進勢頗方臥帳中謂世衡必不能至世衡賊而起勢額大驚率其族羅拜聽命又有兀二族受賊僞職世衡招之不至命蕃官慕恩出兵討之其後百餘帳皆自歸莫敢貳因令諸族置烽火有急則舉燧介馬以待又課吏民射有過失射中則釋其罪有辭某事輒因中否而與奪之由是人人精於射賊不敢復近環州

詔以右正言富弼爲回謝國信使西上開門使符惟忠副之復書曰昔我烈考章聖皇帝與大契丹昭聖皇帝
弭兵講好通聘誓盟肆余篤承共遵謨訓邊民安堵垂四十年茲者專致使臣特詣緘問且以瓦橋內地晉陽
故封授石氏之制城述周朝之復境繫於異代安及本朝粵自景德之初始收鄰寶之信凡諸細故咸不置懷
況太宗皇帝親駕并郊匪圖燕壤當時貴國亟發援兵既交石嶺之烽遂舉前門之役義非反覆理有因緣元
昊賜姓稱藩稟朔受祿急謀狂僭倣擬邊陲歸討除已嘗聞遠杜防郭穢傳導備詳及此西征豈云無報聘
輶旁午屢聞嫉惡之談慶問交馳未諭聯親之故忽窺異論良用惘然謂將軫於在原反致譏於忌器復云營
築隄埝開決陂塘昨緣霖潦之餘大爲衍溢之患既非疏導當稍繕防豈蘊猜嫌以虧信睦至於備塞隘路固
習兵夫葦蕘邊臣謹職之常乃鄉兵充籍之舊在於貴境實撤戍兵一皆示以坦夷兩何形於疑阻顧惟歡契方
保悠長遽興請地之言殊非載書之約設惟聰達應切感恩自餘令輅口陳書詞翰林學士王拱辰所撰也初
遼人書言太宗舉無名之師一時莫知所答拱辰獨請問曰河東之役本誅僭僞遼人寇石嶺關潛假兵以援
賊太宗怒其反覆既平繼元遂下令北征安得謂之無名帝喜諭執政曰非拱辰詳識故事殆難答也劉大符
嘗謂賈昌朝曰南朝塘泮何爲者哉一葦可航投鑑可平不然決其隄十萬土壘遂可踰矣時議者亦請涸其
地以養兵帝問拱辰對曰此六符奇言耳設險守國先王不廢且祖宗所以限戎騎也帝深然之

徙并代鈐轄張亢爲高陽關鈐轄初麟州猶未通饋路閉隔數亢自護南郊糈物送麟州賊既不得鈔隨以兵

數萬趣柏子寨邀我歸路元所將才三千人元激怒之曰若等已陷死地前關則生不然爲賊所屠無餘也士皆感厲會天大風順風擊之斬首六萬餘級奪馬千餘匹乃修建甯寨賊數出爭逐戰於兔毛川元自以大陳抗賊而使驍將張母以短兵驅弩數千伏山後元以萬勝軍皆京師新募疲爽不能戰賊目曰東軍素易之而虎翼卒勇悍陰易其旗以誤賊賊果趣東軍而值虎翼卒搏戰良久發伏賊大潰斬首二千級不踰月築清塞百勝中候建甯鎮川五堡麟州路始通元復奏今所通特往來之徑耳旁皆虛空無所阻若增築並邊諸柵以相維持則可以廣田牧河外勢益彊議未下而朝廷慮遼將渝盟乃徙元高陽

建甯在府谷西北清塞等五堡在縣南柏子疑近神木西南之

堡
柏林

河北都轉運使李昭述請修澶州北城從之先是河決久未塞昭述但以治隄爲名調戍兵八萬逾旬而就劉大符過之真以爲治隄也及還而城具甚駭詔建大名府爲北京初范仲淹知開封建議城洛陽以備急難及遼人將渝盟言事者請從仲淹之請呂夷簡謂遼人畏壯侮怯連城洛陽無以示威反長彼勢宜建都大名示將親征以伐其謀議者聽之

慶州之西北馬鋪寨當後橋川口深在賊腹中范仲淹欲城之度賊必爭塞遣子純祐與蕃將趙明先據其地引兵隨其後諸將初不知所向行至柔遠始號令之版築畢具旬日城成是歲三月也尋賜名大順賊覺以騎三萬來戰佯北仲淹戒勿追已而果有伏大順既城白豹金湯皆截然不敢動環慶自是寇益少復以仲淹爲

龍圖閣直學士從所請也初仲淹上表言臣守邊數年羌人頗親愛臣呼臣爲龍圖老子今改觀察使則與諸族首領名號相亂恐爲賊所輕且無功不應更增厚祿辭甚切至表三上乃從之

大順在白豹南四十里意在南五十俱在慶陽西北後橋

川其溪河錄

真定府定州路都部署王德用入朝奏事命判定州兼三路都部署德用至日教士卒習戰頃之皆可用遣使人來覘或請捕殺之德用曰彼得寶以告是服人以不戰也明日大閱於郊提柝鼓誓師進退坐作終日不戮一人乃下令具糗糧聽鼓聲視吾旗所鄉覘者歸告其國中謂漢兵將大入旣而復議和兵乃解時發兵屯定州幾六萬人皆寓居逆旅及民間無一敢喧呼暴橫者將校相戒曰吾輩各務斂士卒勿令擾我菩薩

初富弼張茂實以結昏及增歲幣二事往報遼人惟所擇弼等至遼遼主命六符爲館伴六符言北朝皇帝堅欲割地弼曰此必志在敗盟假此爲名南朝有橫戈相待耳六符曰南朝堅執事安得濟弼曰北朝無故求割地南朝不卽發兵而遣使好辭更議此豈南朝堅執乎及見遼主弼曰兩朝繼好垂四十年一旦忽求割地何也遼主曰南朝違約塞鴈門增塘水治城隍籍民兵此何意也弼臣競請舉兵朕以爲不若遣使求關南故地求而不得舉兵未晚弼曰北朝與中國通好則人主專其利而臣下無所獲若用兵則利歸臣下而人主任其禍故勸用兵者皆爲其身謀非國計也遼主驚曰何謂也弼曰晉高祖欺天叛君求助於北末帝昏亂神人聚之是時中國狹小上下離叛故北朝全師獨克雖虜獲金幣充牣諸臣之家而壯士健馬物故大半此諸任其

霸者今中國提封萬里所在精兵以萬計北朝用兵能保必勝乎曰不能霸曰勝負未可知就使其勝所亡士
馬草臣當之歟抑人主當之歟若通好不絕歲幣燕歸人主豈臣何利焉遼主大悟首肯久之霸又曰燕屬
門者備元吳也塘水始於何承矩事在通好前地卑水聚勢不得不增城隍皆修葺民兵亦舊籍特補其闕耳
非違約也遼主曰微卿言不知其詳然朕所欲得者祖宗故地耳霸曰晉高祖以盧龍一道賂契丹周世宗復
伐取關南皆契代事宋興已九十年若各欲求契代故地豈北朝之利乎遼主無言徐曰元吳稱藩尙主南朝
伐之不先告我何也霸曰北朝向伐高麗黑水豈嘗報南朝乎天子令臣致意於陛下曰向不知元吳與弟通
姻以其負恩撥邊故討之而弟有煩言今擊之則傷兄弟之情不擊則不忍坐視吏民之死不知弟何以處之
遼主顧其臣國爾夏久乃曰元吳爲寇豈可使南朝不擊乎既退大符謂霸曰君主恥受金帛豈欲十縣如何
霸曰南朝皇帝嘗言朕爲人子孫豈敢妄以祖宗故地與人昔澶淵白刃相向章聖尙不與關南豈今日而肯
割地乎且北朝欲得十縣不過利其租賦耳今以金帛代之亦足坐資國用朕念兩國生民不欲使之肝腦塗
地不愛金帛以徇北朝之欲若北朝必欲得地是志在背盟棄好朕獨能避用兵邪澶淵之盟天地神祇共
臨之今北朝先發兵端過不在朕天地鬼神其可欺乎大符謂其介曰南朝皇帝存心如此大誓當共奏使兩
主意通翼曰遼主召霸同獵引霸馬自近問所欲言霸曰南朝惟欲款好之久耳遼主曰得地則款好可久霸
曰南朝皇帝遣臣聞於陛下曰北朝欲得祖宗故地南朝亦豈肯失祖宗故地邪且北朝既以得地爲榮則南

朝必以失地爲辱兄弟之國豈可使一榮一辱哉朕非忘燕薊舊封亦安可復理此事正應彼此自諒耳既退大符謂弼曰皇帝聞公榮辱之旨意甚感悟然金帛必不欲取惟結昏可議耳弼曰結昏易生讐况夫婦情好難必人命修短或異不若增金帛之便也大符曰南朝皇帝必自有女弼曰帝女才四歲成昏須在十餘年後今欲釋目前之疑豈可待哉弼揣遼人欲昏意在多得金帛因曰南朝嫁公主故事資送不過十萬緡耳由是遼人結昏之意緩且諭弼還弼曰二議未決安敢徒還願留畢議遼主曰朕卿再至當擇一事受之宜遂以誓書來也弼還奏復授弼吏部郎中樞密直學士又辭不受癸亥弼與茂實再以二事往於是呂夷簡傳帝旨令弼草答遼人書并誓書凡爲國書二誓書三議昏則無金帛若遼人能令夏國復納款則歲增金帛二十萬否則十萬弼奏於誓書內增三事一兩界地旋併得開展二各不得無故添屯兵馬三不得停留逃亡諸色人弼因請錄副以行中使夜齎誓書五函并副追及弼於武盟授之弼行至樂壽自念所增三事皆遼人前約萬一書詞異同則彼此疑吾事敗矣乃密啟副封觀之果如所料卽疏報又遣其屬宋誠蔡挺詣中書白執政帝欲知北事亟召挺對便殿乃詔弼三事但可口陳弼知此執政陰謀乃以禮物屬茂實疾馳至京師日欲哺叩閤門求對閤門吏拘以舊制當先進名對仍翼日弼責之遂急奏得入見曰執政爲此欲致臣於死臣死不足惜奈國事何帝急召呂夷簡等問之夷簡從容曰此誤耳當改正弼語益侵夷簡要殊言夷簡決不爲此直恐誤耳弼怒曰殊姦邪燕薊簡以欺陛下遂詔王拱辰易奪其夕弼宿學士院明日乃行寓弼張茂實以八月乙未

至遼襄陽引觴等見遼主遼主曰姻事使南朝骨肉股離或公主與梁王不相悅固不若歲增金帛但須於誓書中加一獻字乃可觴曰獻乃下奉之上辭非可施於敵國南朝爲兄豈有兄獻於弟邪遼主曰南朝以厚幣遺我是懼我也獻字何情觴曰南朝皇帝重惜生靈故致幣帛以代干戈非懼北朝也今陛下忽發此言正欲斷絕善好以必不可其相要耳遼主曰改爲納字如何觴曰亦不可遼主曰誓書何在取二十萬書來觴既與之遼主曰納字自古有之觴曰古惟唐高祖借兵於突厥故臣事之當時所遣或稱獻納亦不可知其後頗利爲太宗所禽豈復更有此禮遼主見觴詞色俱厲度不可奪曰我自遣使與南朝議之於是遼主留所許歲增金帛二十萬誓書遣耶律仁先劉大符來議獻納字觴等還至雄州詔卽以觴爲接伴使有朝廷合先知者急置以聞觴奏曰彼求獻納二字臣以死拒之其氣折矣不可復許耶律仁先劉大符入見以誓書來朝廷用晏殊議以納字許之閏月庚辰復命右正言知制誥富弼爲吏部郎中樞密直學士觴又固辭先是觴數論事忤呂夷簡因薦觴使遼欲因事罪之歐陽修上再引頗真卿使李希烈事乞留觴不報而觴受命不少辭自初奉使聞一女卒再奉使聞一男生皆不顧而行得家書不發而焚之曰徒亂人意耳

涇原副都部署葛懷敏與元昊戰歿于定川寨先是元昊聲言入寇是月辛未朔王沿命懷敏將兵禦之己卯至瓦亭寨遣本寨都監許思純環慶都監劉賀以蕃兵五千餘人爲左翼天聖寨主張貴爲殿後戊子進屯五峇口知鎮戎軍曹英涇原路都監趙珣西路都巡檢李良臣孟淵皆自山外來會沿邊都巡檢使向進劉湛爲

先鋒趙瑜總奇兵爲援及大軍次安邊寨給芻秣未絕懷敏卽離軍夜至開遠堡北一里而舍庚寅領大軍自鎮戎軍西南又先引從騎百餘以前走馬承受趙政以爲距賊近不可輕進懷敏乃少止晚趨養馬城曹英及涇原都監李知和王保王文鎮戎都監李岳西路都巡檢使趙璘等分兵屯鎮戎城西六里夜則入城自守凡三日至是亦趨養馬城見懷敏聞元昊徙軍新壕外乃議質明掩襲趙璘謂懷敏曰賊遠來利速戰宜依馬欄城布柵扼賊歸路固守鎮戎以便餉道竢其衰擊之可必勝不然必爲賊所屠懷敏不聽命諸將分四路趨定川劉湛向進出西水口趙璘出連華堡曹英李知和出劉縡堡懷敏出定西堡旣而知和與英督軍夜發辛卯劉湛向進行次趙福新堡遇賊戰不勝保向家峽而趙璘曹英李良臣孟淵等將趨定川懷敏且令援趙福堡未行諜言賊已屯邊壕上復召璘等入定川會李知和麾下蕃落將報賊五千人列定川寨北頃之王文李知和定川寨主郭綸又報已拔柵踰壕懷敏命趙璘與其子宗晟先行日幾午懷敏入保定川寨賊毀版橋斷其歸路別爲二十四道以過軍環圍之又絕定川水泉上流劉縡帥蕃兵闕於河西不勝衆潰懷敏爲中軍屯寨門東偏曹英等陳東北隅賊四面俱至先以銳兵衝中軍不動回擊曹英會黑風自東北起部伍相失陳遂擾士卒攀城搦爭入英面被流矢仆壕中懷敏所部兵見之亦奔駭懷敏爲衆所排蹂躪幾死與至壘城久之乃蘇懷敏選士據門橋揮刀手以拒入門者趙璘等擁刀斧手前闕及以騎軍四合禦賊賊衆稍却然大軍無固志趙璘以賊入勸懷敏還軍中是夕賊聚大圍城四隅臨西北諱曰爾得非部曹臨上點陳圖者邪爾固能軍

乃入我國中今將何往夜四鼓懷敏召諸將計議莫知所出遂謀結陳走鉞戎軍趙瑄請自龍竿城往曰彼無險且出賊不意衆不從及旦懷敏東馬東南馳二里許至長城壕路已斷周圍之懷敏及諸將曹英等十六人皆遇害軍士九千四百餘人馬六百餘匹悉陷于賊懷敏子宗晟與郭京等還保定川賊長驅直抵渭州幅員六七百里焚蕩廬舍屠掠居民而去自劉平敗於延州任福敗于鉞戎葛懷敏敗於渭州賊聲益震然所以復守巢穴者蓋鄜延路屯兵六萬八千環慶路五萬涇原路七萬秦鳳路二萬七千有以牽制其勢故也

定川在西北二十五里天聖在固原東北百里通華在靜寧東北百里定西在秦州養馬城固原之羣牧監也餘倭考

冬十月丙午以右正言知制誥富弼爲翰林學士弼言於帝曰增金幣與遼和非臣本志特以朝廷方討元昊未暇與北方角故不敢以死爭耳功於何有而遽敢受賞乎願陛下益修武備無忘國恥卒辭不拜

以翰林學士王堯臣爲涇原路安撫使始堯臣還自陝西請先備涇原弗聽及葛懷敏敗帝思其言故復遣堯臣往於是前所格議多見施行復任韓琦范仲淹爲統帥實自堯臣發之涇州觀察使知渭州王沿降知虢州坐葛懷敏之敗也沿始教懷敏駐軍瓦亭及懷敏趨鉞戎沿驅許戒勿入第背城爲寨以羸師誘賊至則發伏擊之可有功懷敏弗聽進至定川果敗賊乘勝犯渭州沿率州人乘城多張旗幟爲疑兵賊引去先是沿子豫謂懷敏非將才請奏易之沿不聽故及

瓦亭在華亭西北接龍德縣界

原州屬羌敏珠爾

舊作明珠今改

塞藏舊作沒今改二族兵數萬與元昊首尾隔絕鄰道范仲淹聞涇原欲襲討之奏言二

族道險不可攻前日高繼勳嘗已喪師平時猶懷反側今討之必與賊爲表裏南入原州西擾鎮戎東侵環州邊患未艾宜因吳賊別路大入之際卽并兵北取細腰胡蘆泉爲堡郭以斷賊路則二族自安而環州鎮戎徑道通微可以無憂矣後二歲遂築細腰胡蘆諸寨復置陝西四路都部署經略安撫兼沿邊招討使命韓琦范仲淹龐籍分領之仲淹與琦開府涇州而徙彥博帥秦宗諒帥慶皆從仲淹請也初葛懷敏敗於定川諸郡震恐宗諒顧城中兵少乃集農民數千戎服乘城又募勇敢諜知賊遠近形勢報旁郡使爲備會仲淹引環慶兵來援時天陰晦者十日人情憂沮宗諒乃大設牛酒迎犒士卒又籍定川戰歿者哭於佛祠祭酹之因厚撫其孥使各得所欲於是士卒感發增氣邊民稍安故仲淹薦以自代

細腰胡蘆泉皆在環縣西固原州東

(三年)涇原安撫使王堯臣言禦備之策凡五事其一鎮戎軍接賊界天都山止百餘里西北則有三川定川劉瑄等寨皆漢蕭關故地最是賊衝其寨主監押當令本路主帥舉辟材勇班行若謂昨來懷敏之敗定川諸寨不足捍禦遂爲棄地則兩路更無保障賊馬可以直抵城下矣其東南師子欄馬平泉三堡俟春當益營築爲涇渭之屏蔽不爾其勢不攻而自下一路隔絕更無斥候鎮戎遂爲孤壘矣其二渭州龍竿羊牧隆城靜邊得勝四寨在大盤山外內則爲渭州藩籬外則爲秦隴襟帶土地饒沃生齒繁多請建置爲軍擇路分都監一員知軍專提舉四寨及令修葺城壘添屯軍馬及時聚蓄糧草以爲儲禦其三原州西至環州定邊寨與敏珠爾密賊等族一帶蕃部相接其首領至多素無保聚不相維統向背離合所守不常須擇武臣知環原二州相

爲表裏使招輯蕃部但不爲賊用庶少減涇原之患其四儀州地控山險州城低薄壕塹淺狹三分軍民二分在外賊至雖能城守居民必大遭剽掠亦宜預慮之其五涇州雖爲次邊然緣河大川道路平易近夷控扼之會其張村直入州路宜營作關柵或斷爲長塹以遏奔衝望下韓琦范仲淹相度施行從之初曹瑋開山外地置龍竿等四寨募弓箭手給田使耕戰自守其後將帥失撫御稍侵奪之衆怨怒遂劫德勝寨主姚貴開城叛瑋臣適過境上作書射城中諭以禍福且發近兵討之吏白瑋臣曰公奉使且還歸報天子耳貴叛非公事也瑋臣曰貴士衆頗得士心然初非叛者今不乘其未定速招降後必爲朝廷患貴果出降瑋臣爲申明約束如瑋之勳乃歸

宋鎮戎軍今固原州及鎮原縣地天都山在固原西北百五十里三川屬今隆德定川在固原西北鎮戎未詳漢蕭關在州東南師子關馬平泉皆與關相近靜邊在靜州西得勝在州東南西

至涇州西當作東文之誤也定邊在涇州北

儀州今平涼府華亭縣張村其在涇州北
韓琦范仲淹等言今元昊遣人赴闕將議納和如不改僭號則不可許如卑辭厚禮從烏珠之稱亦宜防其後愚集賢校理余靖亦言必不可許夏四月甲辰以韓琦范仲淹並爲樞密副使知永興軍琦仲淹凡五讓不許乃就道富弼言琦仲淹並授樞密副使然議者云西寇未殄若二人俱來或恐闕事願陛下采公論一召來處內一授職在邊或二人一歲一更均其勞逸內外協濟無害於此

先是歐陽修冒賊使此來意極不遜須有以挫之方能抑其驕慢今若便於禮數之間過加優厚則彼謂我爲怯知我可欺議論之間何由屈折伏乞將元昊一行來人凡事勒減無令曲加優厚至是修又言聞朝廷欲以

殿中丞任頤館待元昊所遣來人臣竊謂事體之間所繫者大兵交之使來入大國必先窺伺將相怯勇規察國家強弱若見朝廷威怒未思事意莫測必內憂斬戮次恐拘留使其偶得生歸自爲大幸則我弱形未露壯論可持今若過加厚禮先爲自屈使其知我可欺則議論愈益難合必欲成就其事尤須鎮重爲先況聞邵良佐昨來自彼僅免屈辱而還今元昊來人欲乞更不差官館待送置驛中不須急問至於監視饋餉傳道語言一了事班行足矣修雖有此議然不能從

樞密副使韓琦上疏曰臣聞漢文帝時國寧刑措而賈誼上書以爲可痛哭太息臣竊觀時事謂可晝夜泣血非直痛哭太息者蓋以西北二邊禍讐已成而上下泰然不知朝廷之將危宗社之未安也近者契丹遣使求關南之地邀獻納之名其輕視中國意蓋可見而元昊僭號背恩北連契丹欲成鼎峙之勢累歲盜邊官軍累勦今乘定川全勝之氣遣人約和則知其計愈深而甚可虞也議者或謂昨假契丹傳導之力必事無不合豈不思契丹既能使元昊罷兵豈不能使元昊舉兵乎臣恐契丹謂朝廷事力已屈墮其誓約長驅都衆直趨大河復使元昊舉兵深定關輔當是時未審朝廷以何術禦之臣是以夙夕思惟輒盡當今所宜先行者七事一曰清政本宜詔中書樞密院凡苛碎眇末之務悉歸有司使從容謀議事論大計二曰念邊事今政府但循舊制機午卽出愆違或謂宜須未正方出廷此一時以專邊論王曰擇材賢宜倣祖宗舊制於武臣中不次超擢以試其能四曰備河北自契丹通好三十餘年武備悉廢宜選轉運使二員密受經略責以歲月使營守禦

之儲五曰固河東前歲吳賊陷鹽州掠河外屬戶殆盡麟府形勢孤絕宜實本道帥臣度險要建城堡省轉餉
爲持久之計六曰收民心祖宗置內藏庫置儲水旱兵革之用非私蓄財以充己欲也自用兵以來財用匱竭
宜稍出金帛以佐邊用七曰營洛邑今帝都無城隍之固以備非常議興築則爲張皇勞民不若陰募洛都
以爲遊幸之所歲運太倉羨餘之粟以實其廩庾帝嘉納之

羣盜晨入金州劫府庫兵仗散錢帛與其竊及貧民知州王茂先將直兵二十四人禦之不敵遂走羣盜恣行
掠奪日暮乃出城去茂先具以聞樞密副使富弼言伏見西鄙用兵以來物力窮困朝廷不能存撫遂使爲盜
今張海郭邈山等驚擾州縣殺傷吏民巡檢縣尉不能向前遂從京師遣兵仍令中使監押尙猶遷延日月偏
強山林以至白晝公行平入州縣開府庫劫貨財散募凶徒嘯聚漸衆陝府西京唐汝均房金商襄鄧千餘里
所在瘡痍諸郡無兵各不自保臣思京西諸州盜賊見今往來之處長吏皆非其人乞先選擇運兩人令往彼
體量諸州長吏不才及賊盜老病者急罷之令於轄下通判或知縣中保舉人權充知州如不足則朝廷下密
官院選人填補知州得人則就令選部內知縣縣令昔前漢渤海盜起丞相舉龔遂遂至郡盜賊悉平後漢朝
歌盜賊屯聚乃以虞詡爲朝歌長賊遂駭散此守宰得人賊自破滅之驗也

金州今興安府西京今河南府
唐今唐縣房今房縣皆山邑也

以鹽鐵副使張昞之爲河北都轉運按察使知諫院王素爲淮南都轉運按察使鹽鐵判官沈遵爲京東轉運
按察使用富弼范仲淹等言也先是仲淹弼等言今內外官雖多然與陛下共理天下者惟守宰最要耳比來

不加選擇非才貪濁老懦者一切以例除之其間良吏百無一二使天下賦稅不均訟獄不平水旱不得救盜賊不得除民無所告訴而不思叛者未之有也救之之術莫若守宰得人欲守宰得人請詔二府通選轉運使轉運既得人即委逐路自擇知州知州已得人即委逐州自擇知縣其不任事者奏罷之仍令久其官守勿復數易其異政者宜就與升擢則官修政舉朝廷惟總其大綱而振舉之可也帝納其言於是置之等首被茲選陝西路經略安撫招討使鄭觀言德順軍生戶大王家族元甯等以水洛城來獻其地西占隴坻通秦州往來道路隴之二水環城西流繞帶河渭田肥沃廣數百里雜氏十餘落無所役屬尋遣靜邊寨主劉滙招集其酋長皆願納質子求補漢官今若就其地築城可得蕃兵三五萬人及弓箭手共捍西賊實爲封疆之利從之

曰水洛城在今靜甯州西南環城二川者水經注所謂受渠石門二水也靖邊寨在州西七十里

韓琦至陝西屬歲大饑羣盜嘯聚商號之郊張海郭邈山等爲之渠率琦遣屬官乘傳齎宣撫司榜收集散軍諭以免罪歸所屬仍召謝雲行等將沿邊土兵入山捕張海等相繼殲擒捕餘黨殆盡是冬大旱河中同華等州饑民相率東徙琦卽選官分詣州縣發省倉以賑之奏差提點刑獄許宗壽專切往來提舉蒲華同三州所括凡二百五十四萬餘人他州稱是時民力久困琦乃蠲賦役察官吏能否升黜之又以兵數雖多而雜以疲老耗用度遽禁軍不堪征戰者停放一萬二千餘人

(四年)保州兵亂命右正曾田況度視保州仍聽便宜行事降敕榜招安保州叛軍仍詔知雄州王德基廉報

北界恐沿邊人戶驚擾也朝議以諸道兵集保州城下未有統轄因詔宣撫使富弼促行往簡制之再降敕榜招安仍令田況等且退兵選人齎敕入城若遂開門卽一切撫存如尙拒命則盡兵進攻其在營同居骨肉無老幼皆戮之先是知定州王果率兵趨保州攻城甚急會有詔招安賊不肯降登陴呼曰得李步軍來我降矣李步軍謂昭亮也詔遣昭亮是日昭亮至與況同諭賊賊終未信右侍禁郭遵徑踰壕詣城下謂賊曰我班行也汝下索我就汝語賊乃下索卽援之登城謂賊曰朝廷知亂不由汝由官吏遇汝不以理今赦汝罪又以祿秩賞汝使兩制大臣奉詔書來諭汝汝何疑賊皆相顧動色曰果如此乎乃更召其所知數人登城賊信之爭投兵下城降者一千餘人遂開門納官軍其造逆者四百二十九人況得其姓名令楊懷敏率兵入城悉坑殺之降卒二千餘人悉分隸諸州

范仲淹言麟府二州山川回環五六百里皆蕃漢人舊耕耘之地自爲西賊所掠今尙有三千餘人散處黃河東涯自來所修堡寨只是通得麟府道路其四面別無城寨防守邊戶至今不敢復業糧草踴貴官中大費錢帛糴買河東百姓又苦饋運今二州之人皆願修起城寨若只以河西兵馬糧草般移應用自可辦事況折民強盛之時府州只屯漢兵二千今雖殘破兵馬常及萬餘如招輯蕃漢人戶從而安居強人壯馬又可得數千却減屯漢兵茲誠守禦之長計也因奏張亢得所增廣堡寨宜使就總其役詔旣下而明鎬持不可屢屢止亢亢曰受詔置堡寨豈可得經略牒而止邪督役愈急卒事乃上章自劾朝廷不問蕃漢歸者數千戶歲減戍兵

萬人河外遂安皇祐中韓琦經略河東案堡寨處多北漢名將楊業所度者益知允有遠略云

遼主之西征夏也元昊上表謝罪繼遣使奏欲收叛黨以獻辛亥進方物遼主欲還肅惠曰元昊忘世恩萌
姦計車駕親臨不盡歸所掠天誘其衷使彼來迎天與不取後悔何及遼主從之督數路兵掩襲夏人已有備
請旦夏人列拒馬於河西蔽盾以立惠擊敗之夏師退惠麾先鋒及右翼繼之夏師千餘人突出大風忽起飛
沙眯目肅孝友一軍先亂夏人乘之遼師大潰蹂躪而死者不可勝計馬肅呼救舊作胡突出幾不得脫元昊命勿追

環原之間屬羌有敏珠爾舊作明密藏書作滅康諸書作康三族最大素號強梗其北有二川交通西界宣撫

使范仲淹議築古細腰城斷其路於是檄知環州种世衡與知原州蔣偕共主其事世衡時臥病卽日起兵會

偕於細腰使甲士晝夜築城先遣人以計款羌人果不來爭又召三族酋長犒之諭以官築此城爲汝禦寇三

族既出不意又無外援因遂服從城成而世衡卒世衡在邊數年積穀通貨所至不煩縣官益兵增饋善撫士

卒得人死力及卒羌酋朝夕臨者數日青湖及環人皆畫像祠之仲淹復檄蔣偕築堡大蟲嶠堡未完而爲敏

珠爾密藏伺間邀擊偕輒從間道遁歸伏經略使庭下請死王素將赦其罪令復往畢功以自贖偕卒完所築

堡致其酋長而還細腰城大蟲嶠皆在環縣西

監察御史李京言去年保州軍亂之後緣邊兵驕小不如意則譁言動衆近又承甯軍士潛謀竊發邊氓連近

不安善觀者自至德以後河朔兵騷鎮尤甚備以意臣跋扈朝廷威令不行斯蓋不早制之失今沿邊主兵之臣既不遵選及軍士作過一概被罪遂使驍兵增氣動要姑息守臣避禍但務因循不早制之將復有至德之弊宜下兩府案邊吏無憐不任事及統統子弟一切罷之其有軍士作過本非長吏生事者只坐召禍之人所責驍卒畏威而革心守臣竭節以專事非特張紀律之本亦所以制機事之先也

〔六年〕荆湖南路轉運使周沆言本路蠻寇未息而官軍久戍請歲給公使錢一千貫以犒設將校從之沆又言蠻驍勝方驍未易懷服宜須秋冬進兵蠻地險氣毒其人驍悍善用鋌盾北軍不能與之角請選益宜融三州澄海忠敢知其山川習其伎藝者三千擄巢穴餘兵絳山足出則獵取之俟其勢窮力屈然後可擒也朝廷用其策卒平蠻寇

臣今兩府府使
海忠敢上軍名

〔七年〕貝州宣毅卒王則據城反則本涿州人歲饑流至貝州自賣為人牧羊後隸宣毅軍爲小校貝冀俗妖幻相與習五龍滿漢等經及圖讖諸書言釋迦佛衰謝彌勒佛當持世初則去涿母與之訣別刺福字於背以爲記妖人因妄傳福字應起爭信事之而州吏張勣卜吉主其謀黨連種齊諸州約以明年正月斷澶州浮梁亂河北會其黨潘方淨懷刃以晉謁北京留守賈昌朝事覺被執不待期亟叛時知州張得一方與官屬謁天慶觀則率其徒劫庫兵得一走保驍捷營賊焚門執得一囚之兵馬都監田斌以從卒巷闔不勝而出城扉闢提點刑獄田京任黃裳持印璽其家緇城出保南關賊從通判董元亨取軍資庫鑰元亨拒之殺元亨又出獄

因囚有愾司理參軍王獎者遂殺獎既而節度判官李浩清河令齊開主簿王濤皆被害則僭號東平郡王以張樹爲宰相卜吉爲樞密使旗幟號令率以佛爲稱每面置一總管然繼城下者日衆於是令守者五伍爲保一人總餘悉斬賈昌朝遣大名府鈐轄郝質將兵趨貝州十二月辛丑朔昌朝以貝州反再聞內出劄子下中書樞密院亟擇將領往撲滅之高陽關都部署王信聞貝州亂亟領本部兵傅城下以信爲貝州城下招捉都部署以權知開封府明鑑爲河北安撫使徙知滄州高繼隆知貝州遣內侍何誠用齋敕榜招安貝州軍賊御史中丞高若訥言河朔重兵所積慮今釋貝州不討後且敢亂階爲遼人笑不聽

貝州後曰恩州今清河縣

八年明鑑以貝州城峻不可攻謀築距閭度用工二萬人期三十日可與城齊而賊亦於城上設戰棚與官軍相當名曰喜相逢距閭將成爲賊所焚火三日不滅乃用軍校劉經計卽南城鑿地道而日攻其北以牽制之貝州民有汪文慶郭斌趙宗本汪順者自城上擊射鎗賊約爲內應夜繼繼以引官軍既納數百人焚樓櫓賊覺帥衆拒戰初官軍旣登欲專其功斷絙以絕後來者及與賊戰衆寡不敵與文慶等復繼而下是夜城幾克正月丁丑以參知政事文彥博爲河北宣撫使本路體量安撫使明鑑副之鎮督諸將攻貝州城久不下帝憂之問輔臣策安出彥博乞自往討賊故遣彥博宣撫而改鎮爲副先是樞密使夏竦惡鑑恐其成功凡鑑所奏請輒從中沮之彥博旣受命因言軍事中覆不及願得專行詔許彥博以便宣從事彥博請用將作監主簿龔夬卿等三人掌機宜文字許之貝州賊謀竄出邀劫遣使明鑑知之遣殿侍安素伏兵西門賊果以三

百人夜出伏發皆就獲文彥博至貝州城官軍攻貝州城北甚急賊盡銳禦之而南城所穴地道潛達城中賊初不覺也聞月廣子朔文彥博夜遇壯士二百銜枚由地道入右班殿直曹錕等導之既出登城殺守陣者垂千引官軍賊縱火牛官軍稍却軍校楊遂以槍中牛鼻牛遁走賊衆驚潰王則開東門遁開門祇候張綱緣壕與戰死之王僧捕得則餘黨保村舍皆焚死則自反至敗凡六十五日詔以檄車送則京師

王則之以貝州叛也深州卒龐巨與其徒謀以元日殺軍校劫庫兵應之前一日有告者知州王鼎夜出檄遣軍校攝事於外邑而陰爲之備翼日會僚吏置酒如常叛黨憚不敢動鼎刺得實徐捕首謀十八人送獄獄具俟轉運使至審決未至軍中洶洶謀劫囚鼎謂僚吏曰吾不以累諸君獨命取囚從驚者數人斬於市衆皆失色一郡帖然轉運使至囚未決者半訊之皆伏誅

贈馬遂爲宮苑使遂開封人以三班奉職爲北京指使聞王則叛詣留守賈昌朝請擊賊昌朝使持榜入城招降則盛服見之與飲茶遂諭以禍福輒不答遂將殺則而無兵仗自隨時張得一在側遂欲其助己目得一得一不動遂奮起投杯抵則扼其喉擊之流血而左右卒無助者賊黨攬刃衆譟至斷其一臂獨留則曰妖賊恨不斬汝萬段賊執遂縛而支解之則倉猝被毆傷病數日乃起事聞帝歎息久之則既誅乃追贈遂後得殺遂者使其子剖心而祭之

〔皇祐元年〕以知青州賈政殿學士富弼爲禮部侍郎初河北大水流民入京東者不可勝數弼擇所部豐稔

者五州勸民出粟得十五萬斛益以官廩隨所在備之擇公私廬舍十餘萬區散處其人以便薪水官吏自前
實待闕寄居者皆給其祿使卽民所聚選老弱瘠病者廩之山林陂澤之利有可取以爲生者聽流民取之其
主不得禁官吏皆得其勞約爲奏請使他日得以次受賞於朝率五日遣人以酒肉飯糗勞之人人爲盡力流
民死者爲大家葬之謂之數家自爲文祭之及流民將復其業又各以遠近受糴歸凡活五十餘萬人募而爲
兵者又萬餘人帝聞之遣使慰勞就選其秩弼曰救災守臣職也辭不受前此救災者皆聚民城郭中煮粥食
之饑民聚爲疾疫及相蹈藉死或待哺數日不得粥而仆名爲救而實殺之弼所立法簡便周至天下傳以爲
式詔發京師十指揮赴京東西路駐泊以備盜賊弼言本路遠增屯禁軍慮搖人心欲量增一兩指揮俟將
來歲豐令還京師

判延州程琳請代加同平章事再判延州琳嘗獲戎酋不殺戒遣之夏人亦相告毋捕漢民久之詐以五百戶
驅牛羊叩邊請降言遣兵至街頭突國中亂願自歸琳曰遣至彼帳下當舉國取之豈容有來降者吾聞夏人
方捕叛者此其是邪不然誘我也拒不受已而賊果將騎三萬臨境上以捕降者爲辭琳先謀知之閉壁倒旗
戒諸將勿動賊以爲有備遂引去

詔陝西保捷兵年五十以上及短弱不任役者聽歸農若無田園可歸者減爲小分凡放歸者三萬五千餘人
皆歡呼反其家在籍者尙五萬餘人悲涕恨不得俱去陝西緣邊計一歲費緡錢七十千養一保捷兵自是歲

古糾銀二百四十五萬陝西民力稍蘇初樞密使龐籍與宰相文彥博以國用不足建議省兵衆議紛然陳其不可緣邊諸將爭之尤力且言兵皆習弓刀不樂歸農一旦失衣糧必相聚爲盜賊帝亦疑爲彥博與籍共奏今公私困竭上下皇皇其故非他正由養兵太多耳若不減放無由蘇息萬一果聚爲盜賊臣請以死當之帝意乃決

〔三年〕知定州韓琦加觀文殿學士再任初明鑑引諸州兵平恩州獨定兵邀賞責出怨語幾欲譟城下琦素聞其事以爲不治且亂及至卽用軍制勒習察其尤無良者掉首斬軍門外士死攻戰則賻賞其家籍其孤兒使繼衣衾威信並行又倣古兵法作方圓銳三陳指授偏將日月訓習之由是定兵精勁冠河朔京師發龍猛卒戍保州在道竊取人衣服或飯訖不與人直至是琦悉留不遣曰保州極塞嘗有叛者豈可雜以驍兵戍之易素教者數百人以往而所留卒未踰月亦皆就律不敢復犯法歲大歉賑之活人數百萬詔書褒美

恩州卽貝州清

河縣也

〔四年〕初僂智高貢方物求內屬朝廷拒之後復貢金函書以請知邕州陳珙上聞不報智高既不得請又與交趾爲仇且擅廣源山澤之利遂納亡命數出敝衣易穀給言峒中饑部落離散邕州信其微弱不設備乃與廣州進士黃璋募師密及其黨僂建中僂智忠等日夜謀入寇一夕焚其巢穴給其衆曰平生積聚今爲天火所焚生計窮矣當拔邕州據廣州以自王否則必死是日率衆五千沿鬱江東下攻破橫山寨寨主張日新逃

州都巡檢高士安欽橫州同巡檢吳香死之五月乙巳朔僞智高破邕州執知州陳珙通判王乾祐廣西都監張立初賊圍城珙令乾祐守來連門樓都監李肅守大安門指使武吉守朝天門張立自賓州來援既入珙犒軍城上酒行而城破珙立乾祐及節度推官陳輔堯觀察推官唐鑑司戶參軍孔宗旦皆被執兵死者千餘人智高聞軍資庫得所上金函怒謂珙曰我請內屬求一官以統攝諸部汝不以聞何也并立乾祐輔堯鑑宗旦害之立臨刑大罵不屈逾月得其尸如生當智高未反時邕州有白氣出庭中江水溢宗旦以爲兵象度智高必反以告珙珙怒詆之曰司戶狂邪及智高破橫山寨宗旦卽載其親詣桂州曰吾有官守不得去無爲俱死也既而賊執宗旦欲任以事宗旦叱賊且大罵遂被害智高既得邕州卽僞建大南國僭號改年啟歷赦境

內廣源州在越南諒山府北鬱江南岸東接廣西龍州界
內邕州南甯府也橫山寨在南甯府東欽橫欽州橫州也

僞智高入橫州丙辰入賓州庚申入龔州辛酉入藤州又入梧州封州知封州曹觀死之時嶺南州縣無備守將多棄城走封州士卒才百人又無城隍以守或勸觀避賊觀正色叱之曰吾守臣也有死而已敢言避賊者斬賊至觀率從卒決戰不勝被執賊掙使拜且誘之曰從我得美官以女妻汝觀誓曰人臣惟北而拜天子我豈從爾苟生邪賊猶惜不殺徙諸舟中觀不食者兩日探懷中印章授其從卒曰我且死若求問道以此上官賊知其無降意害之至死罵賊不絕壬戌僞智高入康州知州趙師旦監押馬賁死之師旦繼從子也賊既破邕州順流東下師旦使人覘賊還報曰諸州守皆棄城走矣師旦叱曰汝亦欲吾走邪乃大索得謀三人斬以

御而賊已薄城下師旦止有兵三百開門迎戰殺數十人會莫賊稍卻師旦語其妻取州印佩之使召其子以
璽曰明日賊必大至吾知不敵然不可以去汝留死無益也遂與貴部士卒固守州城召食食貴不能食師旦
獨飽如平時遂明賊攻城愈急左右諫少避師旦曰戰死與殺死何如衆皆曰願爲國家死城破無一人逃者
矢盡與貴俱還據宣而坐智高廢兵入衙師旦師旦大罵智高怒并貴害之癸亥入端州知州丁寶臣棄城走

貴州今貴縣騰州今平南縣廉州今
廉縣廉州今德慶州端州今肇慶府

起復前衛尉卿余靖爲融州監知潭州前屯田員外郎直史館楊敞爲廣南西路體量安撫提舉經制盜賊靖
及敞各居父喪先是靖與知韶州者結輯農民完葺保障共爲守禦計朝廷聞而嘉之又以敞素習變事故有
是命詔以彰化節度使知延州狄青爲樞密副使青面涅猶存帝嘗敕青傳藥除字青指其面曰陛下擢臣以
功不問門第臣所以有今日由面涅耳願留此以勸軍中不敢褻詔秋七月丙午命知桂州余靖經制廣南東
西路盜賊時諫官賈黯言靖及楊敞皆許便宜行事若兩人指蹤不一則下將無所適從又靖專制西路若賊
東嚮則非靖所統無以使衆不若并付靖經制兩路靖亦自言賊在東而使臣西非臣志也帝從其言故有是
命

初魏瓘築廣州城鑿井蓄水作大弩爲守備及僊智高攻城甚急且斷流水而城堅井飲不竭每發輒洞中賊
勢稍屈知英州晉江蘇緘始聞廣州被圍謂其衆曰廣與吾州密邇今城危在旦莫而恬不往救非義也乃蒐

募壯勇合數千人委州印於提點刑獄鮑軻夜行赴離去廣二十里駐兵黃師密爲賊謀主臧使縛其父軻以御賊聞之喪氣時郡民皆勞緣爲盜臧得六十餘人斬之招懷其驅脅詐誤使復故業者凡六千八百餘人城被圍日久戰數不勝賊方舟數百急攻南城番昂令蕭注先自圍中出募得海上強壯二千餘人以海船集上流未發會颶風夜起縱火焚賊船烟焰燭天大破之卽日發縣門諸路援兵及民戶牛酒芻糧相繼入城而轉運使王罕亦自外募民兵入城益修守備賊知不可拔圍五十七日解去由清遠縣濟江擁婦女作樂而行攻賀州不克遇廣東都監張忠於白田忠戰死先是臧與洪州都監蔡保恭以兵八千人據邊渡村扼賊歸路忠自京師至尋而將之臨戰謂其下曰我十年前一健兒以戰功爲團練使爾曹勉之於是不介馬而前矢鋒遇賊奔忠手拉賊帥二人馬陷溝不能奮遂中標槍死

白田疑在今賀縣西邊渡村未詳

楊敞既趨廣南又奏請肅康定行軍約束及賞罰格頒下并置檢法官已卯詔諭敞曰智高乘機竊發二廣之民日後官軍至故委卿節制以殲賊爲期臨機趨變安用中覆今甲兵大集不能度形勢一舉撲滅乃奏請頒格令置檢法官此豈應速計邪賊或順風下海掠瓊管及海埔諸州厚戍則兵不足無備則寇乘之如能斷海道則不以日月淹滯可也改知秦州孫沔爲湖南江西路安撫使沔初入見帝以秦州事勉之對曰臣雖老然秦州不足煩聖慮當以嶺南爲憂也臣觀賊勢方張官軍朝夕當有敗奏旣而聞張忠死將偕敗帝諭執政曰南事賊如沔料宰相龐籍因奏遣沔行仍許沔便宜從事沔以南方兵連爲賊破氣懣不可用請益發騎兵

且增選偏裨二十人求武庫精甲五千參知政事梁適謂河曰毋張嘉河曰前日惟無備故至此今指期滅賊非可以饒倖乃欲示鎮靜邪居二日促行才與兵七百西憂賊度嶺而北乃檄湖南江西曰大兵且至其繕治營壘多具器械賊疑不敢北侵河行至鼎州復詔加廣南東西路安撫使以知英州祕書丞蘇軾爲供備庫使初廣州以賊遠至不及清野故賊得肆略後軾知賊將走分兵扼其歸路布槎木巨石凡四十里賊至果不得前乃繞出數舍入沙頭渡江由清遠縣道達賀州西歸摧傷甚衆軾盡得賊所略去物環管瓊州也鼎州今常德府沙頭在清遠縣東儂智高殺廣南鈐轄將偕於賀州偕始受命討賊軾驛十七日至廣州城下入城數知州仲簡曰君留兵自守不聽賊又縱部兵賊平民以幸實可斬也仲簡曰安有國練使欲斬侍從官偕曰斬諸侯劍在吾手何論侍從左右解之乃止及賊去廣州楊政檄偕焚儲糧退保韶州軍次賀州賊夜入其營襲殺之偕舉動輕肆卒以此敗己未贈嶺南諸州死事者官有差知封州曹觀爲太常少卿知康州趙師旦爲光祿少卿始師旦嘗知江山縣斷治出於己更不能得民一錢輒物道上人無敢取及是喪過江山山人哭祭於路數百里不絕麻州立廟祭之及田瑜安撫廣南亦爲觀立廟封州庚申儂智高破韶州知州柳應辰棄城走廣西鈐轄王正倫與賊鬪於館門驛死之問門祇候王從政三班奉職徐守一偕職文海皆被害從政罵賊不絕口至以湯沃之終不屈而死賀州今靈縣封州今封川縣康州今德慶州昭州今平樂府館門驛未聞其平樂府西南龍門驛敵

楊政嘗修經制蠻事師久無功改命孫沔及余靖等帝獨以爲憂或言儂智高欲得桂七州節度使卽降樞

密副使梁適曰若爾爾外非朝廷有矣帝問宰相龐籍誰可將者籍薦樞密副使狄青青亦上表請行翼日入對自言臣起行伍非戰伐無以報國願得蕃騎數百益以禁兵羈賊首至闕下帝壯其言初欲用入內都知任守忠爲青副諫官李兌言唐以宦官觀軍容致主將驍射是不足法遂嚴守忠青言賊便於乘高履險步兵力不能抗故每戰必敗願得西邊蕃落兵自從或謂南方非騎兵所宜樞密使高若訥言蕃落善射耐艱苦上山如平地當乘瘴未發時疾馳破之必勝之道也青卒用騎兵破賊狄青辭置酒垂拱殿青既行帝謂輔臣曰青有威名賊必畏其來左右使令非親信者不可雖飲食臥起皆宜防竊發因馳使戒之內降手詔付狄青應避賊在山林者速招令復業其乘賊勢爲盜但非殺人及賊所脅從能逃歸者並釋其罪已嘗刺面令取字給公憑自便若爲人所殺而冒稱賊首級令誠驗給錢米贖之其被焚劫者權免戶下差役見役仍寬與假使營寨室居凡城壁舊經焚毀若初無城及雖有城而不固並加完築器甲朽敝不可用者繕治之右正言韓絳言青武人不可獨任帝以問龐籍籍曰青起行伍若用文臣副之必爲所制而號令不專不如不遣乃詔廣南將佐皆重青節制若孫西余靖分路討賊亦各聽西等指揮十二月壬申朔廣西鈐轄陳隱偃智高兵敗於金城驛東頭供奉官王承吉白州長史徐繼死之隱素無威令既與賊遇士卒猶聚博營中使承吉將宜州忠敗兵五百爲先鋒倉卒被甲以前遂致覆軍戊子知桂州余靖言交趾累移文乞會兵討賊而朝廷久未報觀其要約甚誠縱未能滅賊亦可使相離貳朝廷從其請已而狄青奏李德政聲言將步兵五萬騎一千赴援此

非情實且假兵於外以除內寇非我利也以一智高橫蹂二廣力不能計乃假蠻夷兵蠻夷貪得忘義因而啟

亂何以禦之驪龍交趾兵勿用且檄靖無通交趾使人咸服青有建略云

金城今南甯府東金城寨白州今屬白縣

〔五年〕詔廣南西路轉運使移文止交趾助兵從狄青之請也青合孫沔余靖兵自桂州次賓州先是張忠將僧皆輕敵取死軍聲大沮青戒諸將無得妄與賊鬪聽吾所爲陳曙恐青獨有功乘青未至輒以步卒八千犯賊潰於崑崙關其下殿直費用等皆遁青曰今之不齊兵所以敗己酉晨會諸將堂上揖曙起并召用等三十二人案所以敗亡狀驅出軍門斬之沔靖相顧愕然靖嘗追曙出戰因離席而拜曰曙失律亦靖節制之罪青曰會人文臣軍旅非所在也諸將皆股栗狄青既戮陳曙乃案軍不動更令調十日糧衆莫測賊覘者還以爲軍未卽進翌日遂進軍青將前陳孫沔將次陳余靖將後陳以一晝夜絕崑崙關時值上元節令大張燈燭首夜宴將佐次夜宴從軍官三夜享軍校首夜樂飲徹曉次夜二鼓青忽稱疾暫起入內久之又諭沔主席行酒少服藥乃出數勸勞坐客至曉各未敢退忽有馳報者云三鼓已奪崑崙關矣初賊諜知青宴樂不爲備是夜大風雨青旣度關喜曰賊不知守此無能爲矣彼謂夜半風雨吾不能來也遂出歸仁鋪爲陳戊午賊悉其衆列三銳陳以拒官軍執大盾標槍衣絳衣望之如火及戰前軍稍卻右將孫師死之賊氣銳甚沔等懼失色青起自執白旗麾番落騎兵張左右翼出賊後交擊左者右者右者左已而左者復左右者復右賊衆不知所爲大敗走僞智高復趨邕州追奔五十里捕斬二千二百級其黨黃師宓僞建中智忠并僞官屬死者五十七人生

擒五百餘人智高夜縱火燒城逼由合江入大理國迎明青案兵入城獲金帛巨萬雜畜數千招復老壯七千二百營爲賊所俘者慰遣使歸梟帥寇等首於邕州城下得尸五千三百四十一築京觀城北隅時有賊尸衣上龍衣衆以爲智高已死欲具奏言曰安知非詐邪甯失智高不敢誣朝廷以貪功也青始至邕州會瘴霧昏塞或謂賊毒水下流士卒飲者多死青甚愛之一夕有泉湧塞下汲之甘衆遂以濟智高自起至平幾一年暴踐一方如行無人之境吏民不勝其毒先是謠言農家種穰家收已而智高爲青所破果如其謠嘗戰於歸仁也右班殿直張玉爲先鋒如京副使賈逵將左西京左藏庫副使孫節將右旣陳青誓曰不待令而舉者斬及節擣賊死山下逵私念所部忠敢澄海皆士兵數困易劬荷待令必爲賊所薄且兵法先據高者勝乃引軍疾趨山立立始定而賊至逵引衆而下揮劍大呼斷賊陳爲二玉以先鋒突出陳前而青指揮落騎兵出賊後賊遂大潰逵乃詣帳下請罪青拊逵背曰違令而勝權也何罪之有

崑崙關在南甯府東北百二十里崑崙山上歸仁舖在府東北三十里合江鎮

左右二江合處也在府西五十里大理國今雲南府時爲段氏所據也老林深菁乃生瘴霧其氣中人必病瘴夏尤甚木葉盛也今多不然者木拔道通故爾

十一月以宣徽南院使彰化節度使狄青爲護國節度使樞密副使依前宣徽南院使初廣西捷書至帝大喜謂宰相龐籍曰青破賊勝敵之力也甲申赦廣南凡戰歿者給卹權謚送還家無主者葬祭之免賊所過州縣田賦一年死事科徭二年貢舉人免解至禮部不預奏名者亦以名聞乙酉以孫沔余靖並爲給事中仍詔靖留屯邕州經制餘黨候處置畢乃還桂州狄青密問沔何以破賊沔曰使賊出上計取其保聚退守巢穴當徐

國之據邕州以拒我師猶爲中計若恃勝求戰此計最下然賊有輕我心必出下計將成擒耳已而果然河與青夜謀輓中盡則惟青治事附賊者多誅殺河請與青分治所免釋數百人命軍中制長刀巨斧人謂刀斧非所用及戰賊皆駭大盾翼兩標置陳甚堅矢石不可動竟賴刀斧雜短兵搏戰陳乃破衆皆歎服

詔廣南經蠻寇所踐而民逃未復者限一年復業仍免兩歲催科及蠲其徭役三年從體量安撫周沆所奏也先是民避賊多棄田里遠去吏以常法滿半載不還聽他人占佃沆曰是豈可與凶年逃租役者同科乃奏延期一年已占佃仍舊還之貧者官貸以種糧初帝詔沆廣南地惡非賊所至處不必往沆曰遠民新罹荼毒當布宣天子德澤遂徧行州縣

隨縣世居古渭州密邇夏境夏人牧牛羊於塹上隨縣掠取之夏人怒欲攻之隨縣懼力不敵因獻其地冀得戍兵以敵夏人范祥欲立奇功而往城之隨縣先世跨有九谷後浸衰僅保三谷餘悉爲他族所據青唐族最强據其鹽井日獲利可市馬八百匹隨縣白祥此本我地亦乞漢家取之祥又多奪諸族地以招弓箭手故青唐及諸族皆怒舉兵叛祥既坐責黜張昇請棄古渭勿城夏人復來言古渭州本我地今朝廷置州於彼違舊詔帝遣傳求制置糧草專度其利害求言今棄勿城夏人必據其地更爲奈州患且已得而棄之非所以強國威案隨縣祖父皆受漢官其地非夏人所有明甚但當更名古渭寨不爲州以應舊詔耳卽召青唐等族會諭以朝廷今築城實爲汝諸族守衛而汝叛何也皆言官奪我鹽井及地我無以爲生求曰今不取汝鹽井及地

則何如衆皆喜聽命遂罷兵求乃割其地四分之一以畀青唐等族卒城古渭始加蘭庭以爲秩古渭今屬西

南府

〔至和二年〕初命張方平知益州未行轉運使高良夫攝守事時西南夷有邛部川首領者妄言蠻賊儂智高在南詔欲來寇蜀良夫亟移兵屯邊郡益調額外弓手發民築城日夜不得休息民大驚擾詔促方平行且許以便宜從事方平言南詔去蜀二千餘里道險不通其間皆雜種不相役屬安能舉兵與智高爲寇哉此必妄也臣嘗以靜鎮之道遇戍卒兵仗輒遣還入境下令邛部川曰寇來我自當之妄言者斬悉歸所謂兵散遣弓手罷築城之役會上元張燈城門三夕不閉人心稍定已而得邛部川譯人始爲此謀者斬之梟首境上而配流其餘黨於湖南蜀人遂安邛部川在西昌縣東南

徙知并州武康軍節度使韓琦知相州琦以疾自請也先是潘美帥河東避寇鈔爲己累令民內徙空塞下不耕號禁地而忻代州甯化火山軍廢田甚廣歐陽修嘗奏乞耕之詔范仲淹相視請如修奏尋爲明鑄阻撓不得行及琦至還人行視曰此皆我腴田民居舊迹猶存今不耕適留以資敵後且皆爲敵有矣遂奏代州甯化軍宜如舊鳳軍例距北界十里爲禁地餘則募弓箭手居之會琦去卽詔罷職請如琦奏凡得戶四千墾地九千六百頃甯化軍在靜樂縣北八十里火山軍今河曲縣

〔嘉祐二年〕山南東道節度使兼侍中王德用卒德用將家子習知軍中情僞以恩撫下故多得士心名聞外

國雖閭閻婦女小兒亦呼爲黑王相公云廣子判陳州護國節度使同平章事秋齊卒帝發哀苑中贈中書令
贈武襄青爲人蘊實寡言計事必審中機會而後發師行先正部伍明賞罰與士卒同甘苦雖敵卒犯之無一
人敢先後者故其出常有功尤喜推其功以與將佐始與孫西破賊謀一出青賊已平經制餘事悉以委西退
然如不用意者西始服其勇既又服其爲人自以爲莫及也

火燭蠻僊宗旦聚衆入寇宗旦者智高之族也知邕州蕭注欲大發峒丁擊之知桂州蕭因獨請以敕招降時
運使王罕以爲宗旦保山溪篁竹間苟設伏要我軍未可必勝徒滋邊患乃獨領兵次境上使人招宗旦子日
新謂曰汝父內爲交趾所仇外爲邊臣希賞之餌歸報汝父可擇利而行於是宗旦父子皆降南事遂定

者貴歸南
放山府地

(五年)西上開門使英州刺史郭祐獻所造拒馬車祐嘗知潞州言懷保二郡旁山可以植稻定武唐河抵城
莫間可興水田又作鹿角車陷馬槍請廣獨轅等於他道詔祐置等祐又言頃因北使得觀幽燕方不及三百
里無十萬人一年之費若以衛制之使畢不得利居無以給不踰數年必棄幽州而還臣慶歷初經薺河北大
水界斷敵疆乃其術也臣所辦車弩可以破堅甲制奔衝若多設之助以大水取幽薺如探蠅中物耳會三司
議均田租召還祐陳均括之法四十條復上平燕議曰自瓦橋至古北口地狹民少自古北口至中京屬契
丹自中京至慶州道旁機七百餘家蓋契丹疆土雖廣人馬至少備或南牧必率高麗渤海達達黑水女真室

車等國會戰其來既遠其糧匱乏臣聞以近待遠以佚待勞以飽待飢用兵之善計又聞得敵自至者勝先據
便地者佚以臣所見請舉慶厯之策合衆河於塘泊北界以限戎馬然後以景德故事頓兵自守步卒二十萬
騎卒三萬強壯三萬歲計糧餉百八十三萬六千斛及旁河郡邑可由水運以給保州應援以拒馬車三千陌
馬槍千五百獨轅騎三萬分選五將臣可以備其一來則戰去則勿追幽州糧儲既少屬國兵不可久留不半
年間當遁沙漠則進兵斷古北口砦松亭關傳檄幽燕南自定帝壯其言定武今定州唐河在定州北下入
涑水古北口在密雲縣東北百二
十里遼中京大定府在今熱河東喀喇沁右翼南邊
唐州在巴林縣北百二十里其上京臨潢府西也

時生靈益蕃田野加闢獨京西唐鄧間尚多曠土唐州閒田尤多或請徙戶實之或請以卒屯田或請廢州爲
縣知州事比部員外郎趙尚寬言土曠可益墾闢民稀可益招徠而州不可廢乃策圖配得召僧臣故迹益發
卒復大三畝一大渠皆撤田萬餘頃又教民自爲支渠數十轉相浸灌而四方之民來者雲集尙寬復請以荒
田計口授之及貸民官錢買牛比三年廢田盡爲膏腴增戶萬餘監司上其狀三司使包拯亦以爲言丙午詔
留再任

相度牧馬利害所與奎等上言今陝西馬價多出解鹽三司所支銀絹許於陝西轉運使易錢權轉運副使薛
向既掌解鹽陝西財賦可悉委之移用仍俾擇空地置監而墾養之盡得西方不失其土性一利也因未嘗耕
墾之地無傷於民二利也因向之才使久其任而輕制之三利也帝可其奏甲申命向專領本路監牧及買馬

事仍規度於原渭州德順軍舊場同州沙苑監鳳翔府牧地使臣並委向保薦以開陝陽修舊唐之牧地西起隴右金城平涼天水外豐河曲之野內則岐關涇渭東接銀夏又東至於樓煩以今攷之或謂沒蕃戎或已爲民田皆不可復得惟河東嵐石之間荒山甚多及汾河之側艸地亦廣其間艸軟水甘最宜養牧此乃唐樓煩監地也迹而求之則樓煩元池天池三監之地尙冀可得臣往年奏使嘗行咸勝以東及遼州平定軍見其不耕之地甚多而河東一路山川深峻水艸甚佳地勢高寒必宜馬性又京西路唐汝之間荒地亦廣時下河東京西轉運使遣官審度若可興置監牧則河北諸監尋可廢罷下其奏相度牧馬所奎等請如修奏乃詔選官分詣河北河南諸監案牧地肥瘠頃畝俟得實數卽遣官二人案視其陝西估馬司仍委向規度以聞向乃上言秦州勞馬至京師計所值并道路之費一馬當錢數萬然所入止中雜支於上等良馬固不可得請於原渭州德順軍置場收市以解鹽交引募蕃商廣售良馬八千三千給緣邊軍騎五千入監牧司詔從之

宋之渭州則今平涼

府德順軍今靜寧州沙苑在同州西南隴右今鞏昌金城今蘭州平涼今平涼天水今秦州河曲今固原靈州固原州樓煩指今甯武府元池在靜樂東南天池在靜樂西南咸勝軍今沁州平定軍今平定州

以樞密直學士呂公弼爲龍圖閣學士知成都府公弼初至人疑其少威斷會營卒犯法當杖不肯受曰甯請劍不能受杖公弼再三諭之不從乃曰杖國法不可不從劍汝所請亦不汝違也命杖而復斬之軍中肅然

(七年)邈川首領嘉勒斯賚

舊作曠駭今改

既老國事皆委其子棟戰

舊作董

先是遼以女妻棟戰與之共圖夏國

夏主諒祚與戰屢爲所敗及是諒祚舉兵擊棟戰屯於古渭州其熟戶酋長皆懼亟請於知秦州張方平求救

方平懼節樓櫓爲守城之備盡籍諸縣馬悉發下番兵皇祐末古渭州熟戶反增秦州戍兵甚多事平文彥博悉分屯永興涇原環慶三路期有警則召之以省錫糧謂之下番兵方平至是乃發之關西震聳仍驛奏乞發京畿禁軍十指揮赴本路樞密使張昇言於帝曰臣昔在秦州邊人言西戎欲入寇者甚衆後皆無事實今事未可知而發京畿兵以赴之驚動遠近非計也請少須之帝從其言數日方平復奏諒祚已引兵西去擊棟戰矣諒祚復爲棟戰所敗築堡於古渭州之側而還諫官司馬光因劾奏方平怯懦輕舉請加竄竊宰相曾公亮獨右方平乃言曰兵不出塞何名爲輕舉且寇所以不入者以有備故也有備而賊不至顧以輕舉罪之邊臣自是不敢爲先事之備矣光奏三上甲申徙方平知應天府

遷川原伯縣也

〔八年〕遼皇太叔重元與其子尼嚕古久萌逆志會遼主獵於灤河之太子山扈從諸官多重元之黨尼嚕古遂欲因此竊發雍睦宮使耶律良聞其謀以遼主屬於親愛不敢遽奏密言於太后太后託疾召遼主告之且曰此社稷大事宜早爲計遼主詰良曰汝欲間我骨肉邪良曰臣若妄言甘伏斧鑕陛下不早備恐墮賊計如召尼嚕古不來可卜其事遼主從其言旋召南院樞密使耶律仁先告之仁先曰此曹凶狠臣固疑之久矣遼主命仁先察捕之仁先出還顧曰陛下宜謹爲之備尼嚕古見使者來召知事泄羈使者於帳中欲害之使者以佩刀斷帑而出馳至行宮以狀聞遼主始信尼嚕古與蕭呼敦連招集其徒黨得四百人奉重元將發帳前兩赤如血遂前趨帷宮遼主倉卒欲往北南院仁先曰陛下若舍屬從而行賊必驕其後且南北大王心未可

知豈可往乎會宣徽使蕭罕嘉努舊作松索奴今改聞變馳至執樹固諫如仁先嘗遼主恬悉委仁先以討賊事仁先

亟令環車爲營折行馬作兵仗率官屬近侍三十餘騎陳柅板外賊勢甚銳太后亦親督衛士禦之及戰南府

宰相蕭德身先搏賊摧其鋒賊衆披靡尼嚕古躍馬突出近侍詳養舊作詳今改阿蘇舊作阿蘇今改射殺之重元衆稍退

仁先以五院部蕭塔喇舊作塔喇今改所居最近亟召之分遣人集諸軍先是尼嚕古廣結徒黨而一時不能遽集殿

前都點檢耶律薩喇圖舊作薩喇圖今改適在圍場聞亂劫奚人獵夫來援既至聞尼嚕古已死大慟謂重元曰我輩

惟有死戰胡爲若兒戲自取滅亡今行宮無備乘夜劫之大事可濟若俟明旦彼將有備安知我衆不攜貳邪

一失機會悔將奚及蕭呼敦曰倉卒中黑白不辨若內外軍相應則吾事去矣黎明而發何遲之有重元聽呼

敦計令四面巡警是夜呼敦率同黨擲立重元僞位號耶律仁先曰賊勢不能久當俟其氣沮攻之乃令耶律

伊遜蕭德蕭罕嘉努蕭惟信耶律良等分領宿衛及援師背營而陳乘間奮擊賊稍卻罕嘉努諭諸獵夫曰汝

曹去順效逆徒取族滅何若悔過轉禍爲福獵夫皆投仗首服賊黨大潰重元率數騎走仁先等追殺二十餘

里陳斬薩喇圖爲特里德舊作迭里得今改古迪舊作古迪今改殺之呼敦單騎遁至十七澤投水死遼主擢仁先手曰平亂

皆卿之功也已未遼主命捕誅逆黨以蕭呼敦首助亂誅其五子詞連其父陳王孝友併誅之前樞密使蕭革

以子爲重元婿預逆謀凌遲死革得俸兩朝恣爲姦惡至是始正典刑聞者快之重元北走大漠度不能免嘆

曰尼嚕古使我至此遂自殺幸西遼主論定亂功許王耶律仁先進封宋王加尙父爲北院樞密使遼主親製

文以變之復命靈灤河戰圖以旌其功

（英宗治平元年）以屯田員外郎知襄邑縣范純仁爲江東轉運判官初純仁以著作佐郎知襄城縣借不羈繼乃下令勸使植桑有犯罪輕者視所植多寡除其罰民益慕效後呼爲著作林及徙襄邑縣有牧地初不隸縣衛士縱馬暴民田純仁取一人杖之主者怒白其事於朝有詔勅純仁純仁言兵須農以養卽兵當先卹農朝廷是之釋不問且聽牧地隸縣牧地隸縣自純仁始

襄邑今睢州

（二年）命供備庫副使孟淵等十九人往開封府界及京東西淮南南路募兵司馬光言國家患在兵不精不忠不多夫兵少而精則衣糧易供公私充足一人可以當十過敵必能取勝多而不精則衣糧難贖公私困匱十人不足當一過敵必致敗亡此利害之明如白晝不爲難知也邊鄙之臣無他材略但求添兵在朝之臣又恐所給之兵不副所求他日邊事或敗歸咎於己是以不顧國家之匱乏只知召募取其虛數不論罷頓無所施用臣願陛下速降指揮應在京及諸路並宜罷招禁軍但選擇將帥訓練舊有之兵以備禦四夷不患不足以東上關門使劉几知鄆州代几者遂發几通用公使錢詔几赴承興軍聽勅權御史中丞賈黯言國家任用將帥當責以禦邊捍寇之效細故小惡皆宜略之則可以得其死力太祖時天下未定李漢超等一十四人分擇三邊皆十數年不易畢其州征權之利皆以與之仍聽其貿易免所過征稅軍事無小大皆許便宜以故漢超等得成功名而二十年間無西北之憂屢應中陝西用兵頗失此術邊臣用公使錢微有過則爲法吏繩以

深文如尹洙張亢滕宗諒是也今西戎叛陛下當以恩威御諸將所宜思太祖之得人而慮近事之失體如几者苟無大過顧敵而不問帝納其言故有是命

夏國主諒祚使人來賀正且丁未使人來賀壽聖節司馬光言近年諒祚雖外遣使人稱臣塞貢而內蓄姦謀窺伺邊境陰以官餼金帛誘中國不逞之人及熟戶蕃部其違拒不從者諒祚輒發兵殺掠弓箭手有住在沿邊者諒祚皆追逐使入內地邊臣坐視不能救援遂使其餘熟戶皆畏懼凶威怨憤中國人人各有離叛之心及朝廷遣使齎問則諒祚拒而不納縱有所答皆侮慢之辭朝廷亦隱忍不復致詰諒祚又數揚虛聲以驚動邊鄙而將帥又率多懦怯一路有警則三路皆聳蠢抽腹內州軍下番兵士置在麾下數月後寂無影響然後遣來未及休息忽聞有警又復回去如此往返疲於道路乾無是事臣料諒祚所以依倚遣使稱臣奉貢者一則利於每歲所賜金帛二十餘萬二則利於入京販易三則欲朝廷不爲之備其所以誘不逞之人者欲訪中國虛實平居用爲謀主入寇則用爲鄉導也其所以誘熟戶追逐弓箭手者其意以爲客軍不足畏惟熟戶弓箭手生長極邊勇悍習聞若先事驅去則邊人失其所恃入寇可以通行無礙也其所以數揚虛聲驚動邊鄙者欲使中國之兵疲於奔命耗散諸蕃公私貧困既而邊吏習以爲常不復設備然後乘虛入寇也望明諭中外臣僚有久歷邊任或曾經戰陳知軍中利害及西戎情僞者並許上其擇其理道稍長者從容訪問以治兵禦戎之策則處置自得其宜矣

(三年)程戡守延州凡六年安重習事治不近名然不爲言者所與初延州夾河爲兩城雉堞卑薄嘗爲夏賊攻圍登九州臺下瞰城中戡調兵夫大增築之後以爲利橫山會蒙忽諒祚欲以屬叛取靈夏來求兵爲援戡言豺虎非其相搏則未易取也癰疽非其自潰則未易攻也諒祚久悻悻當乘此聽許以蠻夷攻蠻夷中國之利也會帝不豫大臣重生事遂寢不報

延安有東西二城中隔深澗即延水也橫山在府北

夏國主諒祚舉兵寇大順城入寇柔遠寨燒屈乞等三村柵段木嶺初環慶經略安撫使蔡挺知諒祚將入寇即遣諸將分屯要害以大順城堅雖被攻不可破不益兵柔遠城惡命副使總管張玉將重兵守之敵近邊熟戶入保洮野戒諸寨無得逆戰諒祚將步騎數萬攻圍大順三日善官趙明與官兵合擊之諒祚銀甲氈帽以爲戰先選強弩八列於壕外注矢下射重甲洞貫諒祚中流矢遁去復寇柔遠張玉募膽勇三千人夜出掘賊營賊遂驚潰遣中使賜挺手詔慰勞諒祚退屯金湯聲言益發步騎且出媢辭須已得歲賜復攻圍大順城鄜延經略安撫使陸誼言朝廷積習姑息故賊敢狂悖不稍加詰責則國威不立即止其歲賜銀帛牒宥州問故帝曰固知此人可倚也詔誼得宥州報具聞而諒祚果大沮盤桓塞下取糧四反卒不敢入寇又歲餼資願得賜物乃報言邊吏擅與兵行且誅之矣

金湯在保安其西四十里爲慶陽之白豹白豹西南四十里爲大順城故白馬舖也新築故堅其西南十里爲柔遠寨慶陽府之西也

初夏人寇大順帝問兩府將安出宰相韓琦請留止歲賜遣使齎詔往問樞密使文彥博等曰如此則邊

大興因引寶元康定之喪師以勸帝意琦曰兵家須料彼此今日禦戎之備大過昔時且諒祚狂童豈可比元吳也請之必服帝奇從琦議遣何次公往使朝退二府以所論不同各相私語逾月次公還以諒祚表進帝已臥疾輔臣因入問起居畢琦扣御榻曰諒祚服罪否帝力疾顧琦曰一如所料諒祚所上表雖云受賜累朝敢渝先誓然尙多游辭歸罪於其邊吏乃復賜詔詰之令專遣使別貢誓表具言今後廢戒邊上酋長各守封疆不得點染人馬輒相侵犯其郵延環慶涇原秦鳳等路一帶久係漢界熟戶并順漢西蕃不得更行劫虜及逼脅歸投所有漢界不逞叛亡之人亦不得更有招納苟渝此約是爲絕好餘則遵依先降誓詔朝廷恩禮自當一切如舊

大順在慶陽北白豹城南四十里

(四年)知青湖城种諤復綏州夏將鬼名山都落在綏其弟夷山降於諤諤使人因夷山以誘之賂以金孟名山小吏李文喜受而許降而名山未之知也諤即奏言諒祚累年用兵人心離貳嘗欲發橫山族帳過興州族帳皆懷土重遷其首領鬼名山欲以橫山之衆取諒祚以降帝信之知延州陸詒言情僞未可知戒諤毋妄動諤持之力詔詔諤問狀諤不待報悉起所部兵長驅而前圍其帳名山驚援槍欲闕夷山呼曰兄已約降何爲如是文喜因出所受金孟示之名山投槍大哭遂舉衆從諤而南得酋領三百戶萬五千勝兵萬人將築城於其地虜衆四萬人至集城下諤出兵擊走之遂城綏州司馬光上疏極論以爲名山之衆未必能制諒祚幸而勝之滅一敵祚生一敵祚何利之有若其不勝必引衆歸我不知何以待之臣恐朝廷不獨失信於諒祚

又將失信於名山矣若名山餘衆尙多遁北不可入南不受窮無所歸必將突據邊城以救其命陛下獨不見侯景之事乎神謂既取綏州夏人乃詐爲會議誘知保安軍楊定等殺之於是欲棄綏州知延州郭遵言賊既殺王官而又竊綏不守見弱已甚且鬼名山寨族來歸當何以處之改命韓琦判永興軍兼陝西路經略安撫使賜手札趣令治裝琦言邊臣肆意妄作構怨夷狄臣朝夕引道非難實須稟朝廷成算願召二府亟決之夏人求以亡命景詢易鬼名山郭遵曰詢庸人也於事何所輕重受之則不得不還名山恐自是誓無復敢向化矣是月達謂得殺楊定等首領姓名謹告將斬之於境以謝郭遵曰是且梟死囚以給我報曰必執李崇貴韓道喜來夏人言殺之矣達命以二人狀貌物色詰問澈情得乃錮而獻之是月韓琦至永興初薛向郭遵等議欲存綏州郭琦度其可否琦奏賊今已誘殺楊定等綏州不可棄也及諒祚病死其子秉常方幼琦因奏當此變故尤非棄綏之時琦條陳不已帝遣中使齎手詔訪琦利害琦復具奏言綏不可棄乃詔如琦議

州西接懷遠縣南縣互千里保安軍即保安縣在橫山西

橫山東自綏德

（神宗熙寧二年）詔城綏州先是韓續與夏人議許令納安遠塞門二砦選以綏州郭遵曰此正商於之地六百里也時已有詔使達焚棄綏州達曰一州既失二砦不可得中國爲夏人所賣安用守臣爲藏其詔不出上言綏州具存且自効違詔之罪詔變達曰有臣如此朕無西顧之憂矣既誓詔已降夏人猶不歸二砦且遣剛明鄂特一作剛明來言欲先得綏州達命機宜文字趙高等如夏交所納二砦且定地界剛明鄂特曰朝廷本

欲得二碧地界非所約高曰然則塞門安連二驢城耳安用之二碧之北徧有三十六堡以長城嶺爲界西平王祥符所移書固在也剛明郭特爾塞高以夏人渝盟請城綏州不以易二碧從之改名綏德城安遠塞門二地也延安北金明路其要之區也金明北則塞門其北以爲土門關金門西爲安塞其西即爲安遠

（四年）韓絳使神機護夏人敗之絳素不習兵事開募府於延安措置乖方選番兵爲七軍復以綽爲鄜延鈐轄知青澗城信任之命諸將皆受其節制衆皆怨望絳與譚謀出兵取橫山安撫使郭建曰譚狂生耳朝廷徒以神氏家世用之必誤大事絳奏遣沮撓軍事召還之譚敗夏人於囉兀因以衆二萬城焉自是夏人日聚兵爲報復計呂公弼言綽移邊患不宜戒之弗聽囉兀即橫山城在綏德米脂之西橫山之東

渝州部夷梁承秀等叛命襲州路轉運使孫構討平之承秀與其黨李光吉王堯導生獠入寇巡檢李宗敏等戰死轉運判官張詵請諒之還構爲使僧道之官至則遣涪州豪杜安行募千人往襲自督官軍及黔中兵擊其後斬承秀入討二族火其居餘衆保黑崖嶺黔兵從間道夜譟而進光吉隊崖死堯自縛降以其地建南平軍涪州今重慶府涪管作涪字之誤也黑崖山在重慶大江之南南平山東北南平軍今綦江縣

初神機進築永樂川實捕嶺二碧分遣都監趙瑛燕達築撫甯故城及分荒墾三泉吐潭川開光嶺葭蘆川四碧與河東路修築各相去四十餘里已而夏人來攻順甯特選國撫甯折繼昌高永能等擁兵駐細浮圖去撫甯咫尺囉兀兵勢尙完綽在綏德節制諸軍聞夏人至茫然失措欲作書召燕達戰憚不能下筆顧運判李南

公涕泗不已由是新築諸堡悉陷將士歿者千餘人果不出郭遠所料云會慶州軍叛詔罷西師竊囑元城永川在故靈州南今米脂西北實捕嶺在米脂西撫南故城西魏撫南郡城也在綏德州西新城則羅元城爾開光嶺在綏德西北慶州在靈州西分寬城三泉吐渾川疑在綏德東北順甯在保安北撫南故城之西細浮圖在開光西北

〔五年〕以蘇挺爲樞密副使挺在渭州籍禁兵悉過府不使有隱占建勳武堂輪諸將五日一教閱隊伍金鼓之法甚備儲勦卒於行間遇用奇則別爲一隊出戰甲兵整習常若寇至時士兵有闕詔募三千人挺奏士兵不必補當以涇渭儀原四州義勇分五番番三千人防秋以八月十五日上九月罷防春以正月十五日上三月罷周而復始比之募士兵省費多矣從之歲省粟帛錢絹十三萬有奇挺又括並邊生地實耕田千八百頃募人佃種以並邊儲取邊民闕市蕃部田八千頃以給弓箭手養馬銀戎軍城外有土山挺因險築砦乘高四望覘賊往來開膏腴之地二千頃募弓箭手三千耕守賜名賜實砦謀告夏人數萬集胡盧河挺出奇兵迎擊之遂潰遣四將分路追討破其七族夏人復犯諸砦環慶兵不能禦挺遣張玉以萬人往解其圍慶州軍變關中大擾挺討平之帝曰慶卒爲亂不至猖獗涇原之力也進龍圖閣直學士挺自以有勞久留邊轉不得志寓意詞曲有玉關人老之句帝聞而憫之故有是拜

渭州今平涼府

王韶引兵城渭源堡破藏羅角遂城乞禱平破抹耳水巴族初羌各保險諸將謀取陳平地韶曰賊不合險來戰則我師必捷歸今已入險地當使險爲吾有乃徑趨抹耳山踰竹牛嶺壓賊營而陳令曰敢言退者斬使皆

下馬少恩賊乘高下闕軍小却詔磨帳下兵擊之羌潰走焚其廬帳洮西大震會瑪爾戰舊作木

征今改渡洮來援餘

難復集詔命別將由竹牛嶺路張軍聲而潛師越武勝遇瑪爾戰首領諸藥等與戰破之遂城武勝詔言措置

洮河只用回易恩錢未嘗輒費官本文彥博曰工師造屋初必小計冀人易於動工及既興作知不可已乃始

增多帝曰屋壞豈可不修王安石曰主者營計自有忖度豈爲工師所欺也彥博不復敢言自是詔進討輒肆

欺誕朝廷不與計財價源堡今渭源縣其西南曰乞神坪抹邦山在狄道州

岷州首領摩琳沁舊作本令以其城降初王詔既復河州會降羌叛詔回軍擊之吐蕃瑪爾戰舊作木

征今改

以其間

據河州詔進破訶諾木藏城穿露骨山南入洮州境道隘隘釋馬徒行或日至六七瑪爾戰留其黨守河州自

將尾官軍詔力戰破走之河州復平進攻宕州拔之通洮州路摩琳沁聞先聲遂以城降詔入岷州於是疊洮

二州羌酋皆相繼詣軍中以城聽命軍行凡五十四日涉千八百里得州五斬首數千級獲牛羊馬以萬計阿

木藏城在河州西南露骨山縣洮州縣北十五里之石橋山或云渭源南五十里則遠矣宕州故

宕昌在洮州南百二十里疊州在洮州南百八十里周五香郡也河州屬蘭州府岷州屬鞏昌府

知定州驍甫入覲甫在定州以上已宴郊外有報邊師入寇邊民有逃者將吏大駭請卽治兵甫笑曰非爾所

知也益置酒作樂遣人諭逃者曰吾在此彼不敢動使各歸業明日問之果妄諸將以是愧服韓忠彥使於邊

楊興公勞迎問甫所在且曰朕公可謂開口見心矣忠彥歸奏帝喜進甫禮部侍郎使再任

(七年)熊本奏平瀘夷得地二百四十里本嘗通判戎州習其俗謂彼能擾邊者介十二村聚爲嚮導耳乃以

計致百餘人梟之瀘州其徒股栗願矢死自贖獨柯陰一曾不至本合晏州十九姓之衆發黔南義軍強弩遣大將王宣等率以進討賊悉力拒敗之黃葛下追奔深入柯陰窘乞降本受之悉籍丁口土田及其重寶資馬歸之官於是烏蠻羅氏鬼主諸夷皆求內附本還帝勞之曰卿不傷財不害民一旦去百年之患至於檄奏詳明近時鮮儼擢集賢殿修撰同判司農寺事西南用兵自此始

瀘夷今瀘州也戎州叙州府也柯陰廢縣在江安縣西南晏州今興文縣黃葛山在江安

南烏蠻蠻在馬湖者羅氏今瀘州西之九姓司鬼主亦夷名

河州之被圍也王韶自京師還至興平聞之乃與李憲日夜馳至熙州熙方城守韶命撤之選兵得二萬諸將欲趨河州韶曰賊所以圍城者恃有外援也今知敕至必設伏待我且新勝氣銳未可與爭當出其不意以攻其所恃所謂批亢擗虛形格勢禁則自爲解也乃直趨定羌城破四蕃結河川族斷夏國通路進臨甯河分命偏將入南山瑪爾戰知有援拔柵去初景思立覆軍賊勢復振而京師風竄旱災相仍議者欲棄河隴帝數遣中使戒韶持重勿出及是捷聞乃大喜賜韶嘉之王韶還熙州以兵循西山繞出踏白城後焚賊八千帳斬首七千餘級瑪爾戰窮寇感率酋長八十餘人詣軍門降

熙州今狄道州定羌在河州南九十里結河亦在河州南甯河在州南六十里踏白城在州北

代北疆議踰時不決遼復遣蕭禧來言遣中使賜韓琦富弼文彥博會公亮詔曰古之大政必咨故老卿其具奏琦奏言臣觀近年朝廷舉事似不以大敵爲恤始爲陛下謀者必曰自祖宗以來因循苟且治國之本必先聚財積穀募兵於農則可鞭笞四夷復唐故疆故散青苗錢爲免役法沿市易務次第取錢新制日下更改無

常而監司督責以刻爲明今屢怒於畎畝商歎於道路良吏不安其職陛下不盡知也夫欲攘斥四夷以興太平而先使邦本困搖衆心離怨此則爲陛下始謀者大誤也臣今爲陛下計宜遣報使且言向來興作乃修備之常豈有他意疆土素定悉如舊境不可持此造端以墮累世之好可疑之形如將官之類因而罷去益養民愛力選賢任能疏通姦諛進用忠鯁使天下悅服邊備日充若其果自敗盟則可一振威武恢復故疆據累朝之宿憤矣朝言朝廷諸邊用兵邊所以先期求報不若委邊臣詰而嚴備之來則禦去則備親征之謀未可輕舉且選人報聘彼藉吾歲賜方能立國豈無欲安靜之理彥博言肅肅之來欲以北亭爲界緣慶應西事未平之時來求黃鬼之地容易與之中國禦戎守信爲上必以誓書爲證若萌犯順之心當預備邊使戰勝守固而已公亮言肅肅問夏國妄認同家堡爲界延州牒問遂圖大順寇邊不已絕其歲賜始求帖服今待遠極包容矣不使知懼恐未易馴擾控制之術毋令倒持

同家堡未開大順在慶陽府北

〔八年〕遼復遣蕭禧來理河東黃鬼地命韓觀與禧議之爭辯或至夜分禧執分水嶺之說不雙留館不肯辭曰必得請而後反帝不得已遣知制誥沈括報聘括詣樞密院問故牘得頃歲所議疆地書指古長城爲分界今所爭乃黃鬼山相連三十餘里表諭之帝喜謂括曰大臣殊不究本末幾誤國事命以書歸示禧禧始屈乃賜括白金千兩使行括至遼遼樞密副使楊遵勗來就議括得地訟之籍數十預使吏士誦之遼最有所問則願吏舉以答他日復問亦如之遼最無以應覆曰數里之地不忍而輕絕好乎括曰師直爲壯曲爲老今北

胡聚先君之大信以威用其民非我朝之不利也凡六會意不可奪遂舍黃鬼而以天池請括乃還在道圖其山川險易迂直風俗之淳龐人情之向背爲使契丹圖上之拜翰林學士權三司使

古長城高齊所築城也西起馬陵東至土垠在靜縣

鬼山在靜縣西南七十里與隋武接界

命天章閣待制韓續如河京割地以畀遼遼主以侵地之議起於耶律普錫命普錫往正疆界力爭不已帝問於王安石安石曰將欲取之必姑與之以筆畫其地圖依黃鬼山爲界肅福乃去至是遣續往燕舉與之東西棄地七百里監察御史裏行黃廉歎曰分水畫境失中國險矣其後遼人果包取兩不耕地下臨鴈門

郭逵敗交趾於富良江獲其僞太子洪真李乾德遣人奉表請軍門降初稍驛舉遼以自代及遼至輒與郭異郭欲乘兵形未動先撫輯兩江峒丁擇壯勇啖以利使招徠搗其腹心然後以大兵繼之遼不聽郭又欲使人齎榜入賊中招納遼又不聽遂令燕達先破廣源復還永平報以爲廣源間道距交州十二驛趨利掩擊出其不意川塗並進三路致討勢必分潰固爭不能得賊遂據富良江列船數百官軍不得濟郭分遣將吏伐木治攻具機石如雨蠻艦皆壞徐以罷卒致賊設伏擊之斬首數千級賊其渠酋獲洪真賊窮感歸命時兵夫三十萬人冒暑涉瘴地死者過半至是大軍距交州裁三十里隔一水不得進遂作於玩寇移疾先還遂班師

兩江廣西之左右江永平未聞

（年）樞密院言開州欽州峒丁其人頗驍勇但訓練不至激勸無術欲委經略司選舉才武廉幹之人爲

都司巡檢等提舉訓練每季分往案閱逐喇歲終具武藝精強人數首領等第給奏提舉官以武藝精強五分
以上議酬獎仍令五人附近者結一保五保和附近者結一隊每案團保隊各相依附至於戰鬪互相救助勇
怯分爲三等有戰功或武藝出衆爲上等免差役人才超捷爲中等免科配餘爲下等常日不妨農作習學武
藝遇提舉官案閱卽聚一村案試毋得豫集邊境有盜賊令首領相關報從之

〔元豐元年〕鄜延路經略呂惠卿言昨準朝旨令延州西路同都巡檢策應環慶路慶州東路巡檢策應鄜延
路遇賊大舉聚入一路更以主兵之官引兵策應若本路自有兵事令經略臨宜相度以別將應援臣竊謂虜
興師動數十萬分犯二路則所在皆賊我安知其何出也苟知我有策應之法而欲攻鄜延必見兵形於環慶
環慶告急則鄜延起兵以應之欲攻環慶必見兵形於鄜延鄜延告急則環慶起兵以應之少則不足以應敵
多則本路必見空虛無備之處如此非特我兵疾趨疲曳有墮賊掩伏之虞彼又將分兵擣虛以襲我矣臣愚
以爲諸路有兵事其鄰路但當圍集以爲聲援或且依條相應牽制不必更立互相策應之法免致臨事拘文
有犯兵家之忌詔鄜延路依奏餘路別聽指揮或又言昔年劉平因救鄴道戰歿自今宜罷鄴道援兵環慶副
總管林廣以爲諸道同力乃國家制賊之長計苟賊併兵寇一道而鄴道不救雖古名將亦無能爲劉平之敗
非援兵罪於是互相策應之法得不廢

〔二年〕右諫議大夫知河南呂公孺知河陽洛口役兵千餘人憚役不稟令排行慶關不得入西趨河橋其徒

有來告者諸將請出兵擊之公孫曰此曹亡命窮之則生變乃令曰敢殺一人者斬於是乘馬東出令牙兵數人前諭曰爾輩久役固當還然有不稟令之罪若復渡橋則罪加重矣太守在此願自首者止道左衆皆請罪索其爲首并助謀者鯨配之餘皆不問復送役所語洛口官曰如尙敢僣蹇者卽斬之衆帖然不敢動乃白劾不俟命詔釋之

提舉廣南東路常平等事林頌言開廣西緣邊備已肄習武藝東路雖間有槍手然保甲之教尙闕欲乞本路沿江海諸州依西路法訓閱使其人既熟山川之險易而又知夫弓矢金鼓之習則一方自足爲備詔從之

四年正月命步軍都虞候林廣經制瀘夷時韓存寶討瀘蠻乞弟逗撓不進以廣代之廣至閱兵合將蒐人材勇怯三分之日夕肄習閱椎牛享犒士心皆奮遣使開曉乞弟仍索所亡卒乞弟歸卒七人奏書降而身不至乃決策深入陳師瀘水率將吏京嚮再拜誓之曰今孤軍遠路久駐賊境退則爲戮冒死一戰勝負未可知縱死猶有賞愈於退而死也與汝等戮力而進可乎衆皆踊躍

知制誥王存言遼人覘中朝事頗詳而邊臣刺遼事殊疏此邊臣任聞不精也臣觀知雄州劉舜卿議論方略宜可任此當少假以金帛聽用聞於繩墨之外詔舜卿具所費用以聞舜卿乞銀千兩金百兩詔三司給之舜卿初至雄州有告以巡馬大至請申以俟舜卿不爲變卒以無事遼妄捕繫州民檄取不聽會有使者至因捕其徒一人詰償焉待釋乃遣遼遣謀盜西城門鎖舜卿密令易去舊鑰而大之數日以鑰來歸舜卿曰吾未嘗

亡鎮也引視納之不能受乃慙去謀者因得罪

以東上開門使文州刺史种諤爲鄜延路經略安撫副使應本司事與經略安撫使沈括從長處置先是令諤與括密議點集諤乃言疾雷不及掩耳今已籍籍輕兵不可用勢當成軍進討於是入對大言曰夏國無人秉常孺子臣往提其臂而來耳帝壯之乃決意西征命諤副括賜以金帶別賜銀萬兩爲招納之用本路及麟府事悉聽諤節制帝初議西討知樞密院孫固曰舉兵易解禍難前後論之甚切帝意既決固曰必不得已請聲其罪薄伐之分裂其地使其酋長自守帝笑曰此真鄙生之說時執政有請直渡河者帝意益堅固曰然則孰爲陛下任此者帝曰吾以屬李憲固曰伐國大事而使宦官爲之士大夫孰肯爲用上不悅固請去不許他日又對曰今舉重兵五路並進而無大帥就使成功兵必爲亂固數以大帥爲言帝諭以無其人同知樞密院呂公著進曰既無其人不若且已固曰公著言是也

先是詔遣宿衛七將之師戍鄜延已再頒賜矣而鎮兵未嘗有所喪沈括以爲禁兵雖重而爲國守邊無歲不警者鎮兵也賞賚不均此召亂之道乃矯詔賜鎮兵錢數萬緡而封藏詔書以驛聞不數日有急遞詔括曰樞密院漏行頒尋賴卿察事機不然幾擾軍政自此事不獲聞者得以專制蕃漢將卒自皇城使以降皆得承制補受

种諤以鄜延兵五萬四千畿內七將兵三萬九千分爲七軍方陳而進自綏德城出塞攻圍米脂寨夏兵救米

脂特誘眾擊破之又敗夏人於無定川米脂特降誘下令入城殺殺人及盜者斬乃降之收城中老小萬四百二十一口給以衣巾仍命訛遇等各統所部以禦賊捷書至帝喜動顏色羣臣稱賀遣中使諭訛曰昨以卿急於滅賊恐或妄進爲一方憂故俾聽王中正節制今乃能首挫賊鋒功先諸路朕甚嘉之中正節制指揮更不施行其戰勝兵員並與特支錢將官等各傳宣撫問

米脂寨在米脂城西北無定河在其西

涇原兵至磨臍隘遇夏兵與戰敗之先是詔涇原兵聽高遵裕節制仍令環慶與涇原合兵擇便路進討夏人之謀者以爲環慶阻衡山必從涇原取胡盧河大川出塞故悉河南之力以支涇原既而環慶兵不至劉昌祚與姚麟率本路蕃漢兵五萬獨出離夏界堪哥平十五里遇夏人三萬餘眾扼磨臍隘口不得進諸將欲舍而東出鞏州與環慶合昌祚曰遇賊不擊枉道自全是謂無次且爲客利速戰古今所聞公等去此白度能免乎乃謀分軍度胡盧河奪隘牌手當前神臂弓次之弩又次之選鋒馬在後諭眾以立功者三倍熙河之賞眾聽其言震山谷昌祚既挾兩牌先登弓弩繼前與夏統軍國母弟梁大王戰自午至申夏人小卻大軍乘之夏人遂大敗追奔二十里斬獲大首領十五級小首領二百十九級擒首領統軍姪吃多理等三十二人斬二千四百六十級獲僞銅印一自是大軍通行無所礙

胡盧河卽高平川自固原州北入河堪哥平磨臍隘未詳疑皆在靈州南界鞏州在靈州東南也

涇原節制王中正入宥州涇原兵既破磨臍隘行次營移口有二道一北出蘇蘇嶺一西北出鳴沙川鳴沙少廷諸將欲之蘇蘇劉昌祚曰離漢時運司儲糧一月今已十八日未到靈州儻有不繼勢將若何吾聞鳴沙有

積粟夏人謂之御倉可取而食之靈州雖久不足憂也既至得窖藏米百萬爲留備宿重戰而趨靈州師次城下是時環慶軍未至城門未闕先鋒擊門幾入高遵裕遣李臨安鼎寶劄子且曰已使王永昌入城招安可勿殺少門闕城守斬首級四百五十得戰馬牛羊千餘昌祚曰城不足下獨嫌於環慶爾朝廷在遠必謂兩道爭遂案甲

鳴沙今中衛縣實移口
案據環慶在靈州南

初夏人聞宋大舉梁太后問策於廷諸將少者盡請戰一老將獨曰不須拒之但堅壁清野縱其深入聚動兵於鹽夏而遣輕騎抄絕其饋運大兵無食可不戰而困也梁后從之宋師卒無功种諤至夏州索家平兵衆三萬人以無食而潰左班殿直劉歸仁率衆南奔相繼而潰入塞者三萬人盡至四起居人駭散或請閉大戍拒之或議以河東十二將之師討除沈括以爲不然曰此皆五州之精甲也討之未必能勝而自斃死士以驕虜勢非術也時日南至大張樂勞河東之師得叛卒數十人括問之曰副都總管使汝歸取糧主帥爲何人答曰在後括各令歸屯日暮自歸者八百人旬日叛者皆歸後復治師西討括出衆軍劉歸仁至括問汝歸取糧何以不持軍符歸仁無以對乃斬以徇先是知樞密院孫固乞罷西師既而出師無功帝諭固曰若用卿言必不至此於是固又言兵法期而後至者斬始議五路入討會於靈州李憲獨不赴乃自開驛會欲以弭責要不可赦乞誅之不從

林廣師次納江乞弟遣叔父阿汝約降求退會又約不解甲廣策其有詐除軍爲壇距中軍五十步且設伏乞

弟擁千人出降。國勢士氣衰。獨不前謝。恩廣發伏擊之。蠻奔潰。斬大會二十八人。乞弟以所乘馬授弟阿字。大將王光祖追斬之。軍中爭其尸。乞弟得從江橋下脫走。納江疑卽納溪縣江。

文彥博奏疏言。臣聞昨來西師出界中輟而還。將下師徒頗有飢凍潰散。以礙人衆不行。軍法今便欲再舉。何以勵衆。又運糧遠涉。頗被邀截。官吏民夫甚有陷沒。伏望聖慈深察王師之舉。必有邊將謀臣首開端緒。以誤大計。若不深責。無以勵後。又言。夏人昏亂。自致天討。陛下赫然命將出師。以伐有罪。師行以來。捷音屢上。然而數路進軍。彌歷累月。餽輓不貲。民疲供給。將士衝寒冒苦。備極勩勞。臣以爲國威既已震矣。將士之力亦已殫矣。百姓供餽亦已竭矣。若師徒暫還而復出。士氣已衰而再鼓。民力已困而調發。復興諸路深入而轉餉益遠。如此則師之勝敗。恐未可知。而前功或喪。此天下之深憂也。張方平上書言。聖人之兵。皆出於不得已。故其勝也。享安全之福。其不勝也。必無意外之患。後世用兵。皆得已而不得已。故其勝也。則變遷而禍大。其不勝也。變遷而禍小。是以聖人不計勝負之功。而深戒用兵之禍。何者。興師十萬。日費千金。內外騷動。殆於道路者七十萬家。內則府庫空虛。外則百姓窮匱。飢寒逼迫。其後必有盜賊之憂。死傷愁怨。其終必致水旱之報。上則將帥擁衆有跋扈之心。下則士衆久役有潰叛之志。變故百出。皆由用兵。昔仁宗皇帝覆育天下。無意於兵。元昊乘間竊發。延安麟府涇原之間。敗者三四所。喪動以萬計。而海內晏然。兵休事已。而民無怨言。何者。天下臣庶知其無好兵之心。天地鬼神諒其有不得已之實故也。陛下卽位以來。繕甲治兵。伺候鄰國。羣臣察見此指。多言用

兵諱向爲橫山之謀韓絳效深入之計陳升之呂公弼等陰與協力師徒喪敗財用耗屈較之寶元慶曆之敗不及十一然而天怒人怨邊兵叛背京師驕然陛下爲之旰食者累月何則用兵之端陛下作之是以吏士無怒敵之意而不直陛下也尙賴祖宗積累之厚皇天保佑之深故使兵出無功感悟聖意然淺見之士方且以敗爲恥力欲求勝於是王韶作禍於熙河章惇造孽於梅山熊本發難於渝澗然此等皆殘殺已降俘繫老弱困弊腹心而取空虛無用之地以爲武功使陛下受此虛名而忽於宵禍勉強砥礪奮於功名故沈起劉彝復發於安南使十餘萬人暴露瘞死者十五而六路之人斃於輸送貨糧器械不見敵而盡以爲用兵之意必且少衰而李憲之師復出於洮州矣數年以來公私窘乏內府累世之積塿地無餘州縣征稅之儲上供殫盡百官廩俸僅而能繼南郊賞給久而未辦以此舉動雖有智者無以善其後矣且饑疫之後所在盜賊繼起京東河北尤不可言若軍事一興橫斂隨作民窮而無告其勢不爲大盜無以自全邊事方深內患復起則勝廣之形將在於此此老臣所以終夜不寐臨食而歎至於慟哭而不能自已也帝頗爲感動迄不能從至永樂敗果如其言

（五年）時李憲乞再舉伐夏帝以訪輔臣王珪對曰向所患者用不足朝廷今捐錢鈔五百萬緡以供軍食有餘矣王安禮曰鈔不可噉必變而爲錢錢又變爲銅粟今距出征之期才兩月安能集事帝曰李憲以爲已有備彼官者能如是卿等獨無意乎唐平淮蔡唯裴度謀議與主同今乃不出公卿而出於閹寺朕甚恥之安禮

曰淮西三州耳有裴度之謀李光顏李愬之將然猶引天下之兵力歷歲而後定今夏氏之疆非淮蔡比憲才非度匹諸將非有光顏愬輩臣懼無以副聖意也种諤西討得銀夏宥三州而不能守知延州沈括請城古烏延城以包橫山下瞰平夏使敵不得絕沙漠道給事中徐禧及內侍押班李舜舉往鄜延議之舜舉退詣政府王珪迎謂曰朝廷以邊事屬押班及李留後無西顧之憂矣舜舉曰四郊多壘卿大夫之辱也相公當國而以邊事屬二內臣可乎內臣止宜供禁廷洒掃豈可當將帥之任聞者代爲珪慚焉

烏延城唐李祐所築在今懷德縣南

种諤謀據橫山其志未已遣子朴上其策會朝廷命徐禧李舜舉至鄜延議邊事諤入對言曰橫山延袤千里多馬宜稼人物勁悍善戰且有鹽鐵之利夏人恃以爲生其城堡皆控險足以守禦今之興功當自銀州始其次遷宥州於烏延又其次修夏州三郡鼎峙則橫山之地已囊括其中又其次修鹽州則橫山阻兵戰馬山澤之利盡歸中國其勢居高俯視輿圖可以直覆巢穴及福至延州奏乞趣諤還諤在道禧已與沈括定議先城永樂堞乃上言銀州雖據明堂川無定河之會而故城東南已爲河水所吞其西北又阻天塹實不如永樂之形勢險阨竊惟銀夏宥三州陷沒百年一日興復於邊將事功實爲倥偬但建州之始煩費不貲若選擇要會建州堡柵名雖非州實有其地舊來阻塞乃在心腹已與沈括議築砦堡各六自永樂堞至長城橫置六砦自背岡川至布娘堡置六堡從之詔福諤諸將往城永樂言者論諤前迂路出綏德老師費財諤自入對還極言城永樂非計徐禧怒變色謂諤曰君獨不畏死乎敢誤成事諤曰城之必敗敗則死邊節制亦死死於此猶愈

於喪國師而淪異域也。福度不可屈，奏留諒守延州，而自率諸將往築之。

銀州在無定河西，故爲河所吞。明堂川在其城西，永樂在其南二十五里。

長城嶺在其東北，背國川布，地盤未開，疑皆在懷遠縣界。

九月，永樂城成，距故銀州治二十五里，賜名銀川。特徐福等還米脂，以兵萬人屬曲珍守之。永樂接宥州附橫山，夏人必爭之地。福等去，夏人卽來攻。曲珍使報福，福不之信，曰：「彼若卽來，是吾立功取富貴之秋也。」過人馳告者十數，福乃挾李舜舉等赴之。大將高永亨曰：「城小人寡，又無水泉，恐不可守。」福以爲沮，衆械送延州。獄福舜舉復入永樂城。夏人傾國而至，號三十萬。福登城西望，不見其際。夏人漸逼，永亨兄永能請及其未陳擊之。福曰：「爾何知？王師不鼓，不成列。」乃以萬人陳城下，坐譙門，執黃旗令衆曰：「視吾旗進止。」賊分兵進攻，抵城下。曲珍陳於小際，軍不利。將士皆有懼色。遂白福曰：「今衆心已搖，不可戰。戰必敗。」請收兵入城。福曰：「君爲大將，奈何遇敵不戰先自退邪？」俄夏人縱鐵騎渡水，或曰：「此號鐵鴿子。」當其半濟，擊之，乃可以逞。得地則其鋒不可當也。福不聽。鐵騎旣濟，震盪衝突，時鄜延選鋒軍最爲銳，皆一當百。先接戰，敗奔入城。蹂後，陳夏人乘之，師大敗。將校寇倬、李思古、高世才、夏儼、程博古及使臣十餘輩，士卒八百餘人，悉沒。曲珍與殘兵入城，崖峻徑窄，騎緣崖而上，喪馬八千匹。夏人遂圍城，厚數里，游騎掠米脂，且據其水。若將士晝夜血戰，城中乏水，已數日，擊井不得。泉渴死者大半。至校馬糞汁飲之。夏人蟻附登城，尙扶剗格鬪。沈括、李憲援兵及饋餉皆爲游騎所隔。神諤怨徐福不遣救，曲珍度不可支，請福乘兵氣未竭，潰圍而出。使人自求生。福曰：「此城據要地，奈何棄之？且爲將

而奔眾心搖矣珍曰非敢自愛但敕使謀臣同沒於此懼辱國耳高永能亦勸李稷捐金帛募死士力戰以出皆不聽夏人呼珍來講和呂整景思義相繼而行夏人見思義囚之戊戌夜大雨夏人環城急攻城遂陷高永能孫昌裔勸永能從間道出永能歎曰吾結髮從事西羌戰未嘗挫今年已七十受國大恩恨無以報此吾死所也顧易一卒傲衣戰而死徐禧李舜舉李稷皆爲亂兵所害曲珍王湛李浦呂整裸跣走免蕃部指揮馬賁獨持刀殺數十人而死夏人耀兵於米脂城下乃還禧好談兵每云西北可唾手取恨將帥怯耳呂惠卿力引之故不次用自靈州之敗秦晉困棘天下企望思兵而括諤陳進取之策禧更以邊事自任狂謀輕敵至於覆沒括諤奏永樂城陷漢蕃官二百三十人兵萬二千三百餘人皆沒帝涕泣悲憤爲之不食早朝對輔臣歎患曰永樂之舉無一人言其不可者蒲宗孟進曰臣嘗言之帝正色曰何嘗有言在內惟呂公著在外惟趙鼎嘗言用兵非好事耳初帝之除禧也王安禮諫曰禧志大才疏必誤國事不聽及敗帝曰安禮每勸朕勿用兵少置獄茲爲此也自熙寧開邊以來凡得夏葭蘆吳保義合米脂浮圖塞門六堡而靈州永樂之役官軍熟羌執保死者六十萬人錢粟銀絹以萬數者不可勝計帝始知邊臣不足任深悔用兵無意西伐矣

在懷遠縣南卽橋山之支峯蘆蘆在靈州義合在綏德東四十里鎮浮圖在綏德西六十里吳堡米脂皆在一縣界塞門在安塞縣北

時賓州治今靖邊縣橫山

（六年）夏人圍蘭州數十萬眾奄至已據兩關李浩閉城距守鈐轄王文郁請擊之浩曰城中騎兵不滿數百安可戰文郁曰賊眾我真正當折其鋒以安眾心然後可守此張遼所以破合肥也及夜集死士七百餘人縋

城而下持短刃夾之賊驚潰爭渡河溺死者甚衆閏月夏主棄常遣使來貢永樂之役夏人亦以是困敝其西南都統昂星鬼名濟移世涇原劉昌祚乞通好如初昌祚以聞帝諭昌祚答之及入寇屢敗國用益竭乃遣使來貢上表詔陝西河東經略司其新復城砦徼徠毋出二三里夏之歲賜悉如其舊唯乞還侵疆不許

韓國公富弼年八十憤不能已上疏論治道之要曰臣聞自古致天下治亂者不出二端而已缺佚者進則人主不聞有過惟惡是爲所以致亂驕直者進則人主日有開益惟善是從所以致治又條陳時政之失其略曰去歲納邊臣妄議大舉以討西戎師徒潰敗兩路騷然當舉事之初執政大臣稟議待從苟能犯顏極諫則聖心自回禍離自息矣臣不知是時小大之臣有爲陛下力爭其不可者乎今久戍未解百姓困窮豈諱過恥敗不思救禍之時天地至仁甯與羌夷校曲直勝負願歸其侵地休兵息民朝廷之事莫大於用人夫輔弼之任論議之職皆當極天下之選彼貪寵患失柔從順媚者豈可使之又曰宮闈之臣委之統制方面皆非所宜在外則挾權怙寵陵轡上下入侍左右寵祿既過則驕怨易啟又曰興利之臣虧損國體爲上敎怨急於敎取道路嗟怨此非上所以與民之意也甯常言君子與小人並處其勢必不勝君子不勝則奉身而退樂道無悶小人不勝則交結搆扇干歧萬轍必勝而後已迫其得志遂肆毒於善良求天下不亂不可得也

